

1879



C-11
POR-2/0028



VADE MECUM
PAROCHORUM

SIVE

SACRAMENTORUM ADMINISTRATIO
*in infirmorum cura et eorum interitu, et alia uti-
lissima in Rituali romano recepta.*

EDITIO SECUNDA.



ILLERDÆ
Typis Laurentii Corominas,

MDCCCLXXIX.

1879

Imprimatur
Illerdæ 18 Novemb. 1879.
THOMÁS, *Episcop.*

ORDO

BAPTISMI PARVULORUM.

*Designatis Patrinis, et factis interrogatio-
nibus, nempe, de sexu infantis, an sit bap-
tizatus, et quibus nominibus indere debeat,
Parochus ait:*

N. Quid petis ab Ecclesia Dei?

Patrinus respondet: Fidem.

Sacerdos. Fides quid tibi præstat?

Patr. respondet: Vitam æternam.

Sac. Si igitur vis ad vitam ingredi, serva mandata. Diliges Dominum Deum tuum ex toto corde tuo, et ex tota anima tua, et ex tota mente tua, et proximum tuum sicut teipsum.

Deinde ter exsufflet leniter in faciem infantis, et dicat semel:

Exi ab eo (*vel* ab ea), immunde spiritus, et da locum Spiritui sancto Paraclito.

Postea pollice faciat signum Crucis in fronte, et in pectore infantis, dicens:

Accipe signum Crucis tam in fronte ✠ quam in corde ✠, sume fidem cœlestium præceptorum: et talis esto moribus, ut templum Dei jam esse possis.

Oremus.

Præces nostras, quæsumus Domine, clementer exaudi: et hunc Electum tuum N.

Crucis dominicæ impressione signatum perpetua virtute custodi ut magnitudinis gloriæ tuæ rudimenta servans, per custodiam mandatorum tuorum ad regenerationis gloriam pervenire mereatur. Per Christum Dominum nostrum. R̄. Amen.

Deinde imponat manum super caput infantis, ac dicat:

Oremus.

Omnipotens, sempiternus Deus, Pater Domini nostri Jesu Christi, respicere dignare super hunc famulum tuum N., quem ad rudimenta fidei vocare dignatus es: omnem cæcitatem cordis ab eo expelle: disrumpe omnes laqueos satanæ, quibus fuerat colligatus: aperi ei, Domine, januam pietatis tuæ, ut signo sapientiæ tuæ imbutus, omnium cupiditatum fœtoribus careat, et ad suavem odorem præceptorum tuorum lætus tibi in Ecclesia tua deserviat, et proficiat de die in diem. Per eundem Christum Dominum nostrum. R̄. Amen.

Deinde Sac. benedical salem, quod semel benedictum alias usum deservire potest.

Benedictio Salis.

Exorcizo te, creatura salis, in nomine Dei Patris omnipotentis ✠, et in charitate Domini nostri Jesu Christi ✠, et in virtute Spiritus ✠ sancti. Exorcizo te per Deum vivum ✠, per Deum verum ✠, per Deum

sanctum ✠, per Deum ✠, qui te ad tutelam humani generis procreavit, et populo venienti, ad credulitatem per servos suos consecrari præcepit: ut in nomine sanctæ Trinitatis efficiaris salutare Sacramentum ad effugandum inimicum. Proinde rogamus te, Domine, Deus noster, ut hanc creaturam salis sanctificando sanctifices ✠, et benedicendo benedicas ✠, ut sit omnibus accipientibus perfecta medicina, permanens in visceribus eorum, in nomine ejusdem Domini nostri Jesu Christi, qui venturus est judicare vivos et mortuos, et sæculum per ignem. R̄. Amen.

Deinde immitat modicum solis benedicti in os infantis dicens:

N. Accipe salem sapientiæ: propitiatio sit tibi in vitam æternam. R̄. Amen.

Sac. Pax tibi. R̄. Et cum spiritu tuo.

Oremus.

Deus patrum nostrorum, Deus universæ conditor veritatis, te supplices exoramus, ut hunc famulum tuum N. respicere digneris propitius, et hoc primum pabulum salis gustantem, non diutius esurire permittas, quo minus cibo expleatur cœlesti, quatenus sit semper spiritu fervens, spe gaudens, tuo semper spiritu serviens. Perduc eum, Domine, quæsumus, ad novæ regenerationis lavacrum, ut cum fidelibus tuis promis-

sionum tuarum æterna præmia consequi mereatur. Per Christum etc. R. Amen.

Exorcizo te, immunde spiritus, in nomine Patris ✠, et Filii ✠, et Spiritus ✠ Sancti, ut ex eas, et recedas ab hoc famulo Dei N.: ipse enim tibi imperat, maledicte damnate, qui pedibus super mare ambulavit, et Petro mergenti dexteram porrexit.

Ergo, maledicte diabole, recognosce sententiam tuam, et da honorem Deo vivo et vero, da honorem Jesu Christo Filio ejus, et Spiritui sancto, et recede ab hoc famulo Dei N., quia istum sibi Deus, et Dominus noster et Jesus Christus ad suam sanctam gratiam, et benedictionem, fontemque Baptismatis vocare dignatus est.

Hic pollice in fronte signat infantem, dicens:

Et hoc signum sanctæ Crucis ✠, quod nos fronti ejus damus, tu, maledicte diabole, numquam audeas violare. Per eundem Christum Dominum nostrum. R. Amen.

Mox imponit manum super caput infantis, et dicit:

Oremus.

Æternam, ac justissimam pietatem tuam deprecor, Domine sancte, Pater omnipotens, æterne Deus, auctor luminis et veritatis, super hunc famulum tuum N., ut dig-

neris illum illuminare lumine intelligentiæ tuæ: munda eum, et sanctifica: da ei scientiam veram, ut dignus gratia Baptismi tui effectus, teneat firmam spem, consilium, rectum, doctrinam sanctam. Per Christum Dominum. R. Amen.

Postea Sacerdos imponit extremam partem stolæ super infantem, et introducit eum in Ecclesiam, dicens:

N. Ingredere in templum Dei, ut habeas partem cum Christo in vitam æternam. R. Amen.

Cum fuerint Ecclesiam ingressi, Sacerdos procedens ad Fontem cum Susceptoribus conjunctim clara voce dicit:

Credo in Deum, Patrem omnipotentem, Creatorem cæli, et terræ. Et in Jesum Christum, Filium ejus unicum, Dominum nostrum: qui conceptus est de Spiritu sancto natus ex Maria Virgine: passus sub Pontio Pilato, crucifixus, mortuus, et sepultus; descendit ad inferos, tertia die resurrexit a mortuis: ascendit ad cælos, sedet ad dexteram Dei Patris omnipotentis: inde venturus est judicare vivos, et mortuos: Credo in Spiritum sanctum: sanctam Ecclesiam Catholicam, Sanctorum communionem: remissionem peccatorum: carnis resurrectionem; vitam æternam. Amen.

Pater noster, qui es in cælis, sanctifice-

tur nomen tuum: adveniat regnum tuum: fiat voluntas tua, sicut in cœlo, et in terra. Panem nostrum quotidianum da nobis hodie, et dimitte nobis debita nostra, sicut et nos dimittimus debitoribus nostris: et ne nos inducas in tentationem: sed libera nos a malo. Amen.

Ac deinde, antequam accedat ad Baptisterium, dicat:

Exorcismus.

Exorcizo te, omnis spiritus immunde, in nomine Dei Patris omnipotentis ✠, et in nomine Jesu Christi Filii ejus, Domini, et Judicis nostri ✠, et in virtute Spiritus sancti ✠, ut discedas ab hoc plasmate Dei N., quod Dominus noster ad templum sanctum suum vocare dignatus est, ut fiat templum Dei vivi, et Spiritus sanctus habitet in eo. Per eundem Christum Dominum nostrum, qui venturus est judicare vivos, et mortuos, et sæculum per ignem. R. Amen.

Postea Sac. digito accipiat de saliva oris sui, et tangat aures et nares infantis: tangendo vero aurem dexteram, et sinistram, dicat:

Ephpheta, quod est, Adaperire: deinde tangit nares, dicens: In odorem suavitatis. Tu autem effugare, diabole; appropinquabit enim judicium Dei.

Postea interrogat baptizandum nominatum, dicens:

N. Abrenuntias Satanæ?

Resp. Patr. Abrenuntio.

Sac. Et omnibus operibus ejus?

Patr. Abrenuntio.

Sac. Et omnibus pompis ejus?

Patr. Abrenuntio.

Deinde Sacerdos intingit pollicem in oleo Catechumenorum, et infantem ungit in pectore, et inter scapulas in modum Crucis dicens:

Ego te linio ✠ oleo salutis in Christo Jesu Domino nostro, ut habeas vitam æternam. R. Amen.

Hic deponit stolam violaceam, et sumit aliam albi coloris.

Subinde pollicem et inuncta loca abstergit bombacio, vel re simili: et interrogat expresso nomine baptizandum, Patrino respondente.

Credis in Deum Patrem omnipotentem, Creatorem cœli et terræ? R. Credo.

Credis in Jesum Christum Filium ejus unicum, Dominum nostrum, natum, et passum? R. Credo.

Credis et in Spiritum sanctum, sanctam Ecclesiam Catholicam, Sanctorum communionem, remissionem peccatorum, carnis resurrectionem, vitam æternam? R. Credo.

Subinde expresso nomine baptizandi, Sacerdos dicit:

N. Vis baptizari? *Resp. Patrinus Volo.*

Tunc Patrino, vel Matrino, vel utroque (si ambo admittantur) infantem tenente, Sacerdos vasculo, seu urceolo accipit aquam baptismalem, et de ea ter fundit super caput infantis in modum Crucis, et simul verba proferens, semel tantum distincte, et attente dicit:

N. Ego te baptizo in nomine Patris ✠, (fundat primo) et Filii ✠, (fundat secundo), et Spiritus ✠ sancti, (fundat tertio).

Ubi autem est consuetudo baptizandi per immersionem, Sacerdos accipit infantem, et advertens ne lædatur, caute immergit, et trina mersione baptizat, et semel tantum dicit.

N. Ego te baptizo in nomine Patris ✠, et Filii ✠, et Spiritus ✠ Sancti.

Mox Patrinus, vel Matrino, vel utroque simul infantem de sacro Fonte levant, suscipientes illum de manu Sacerdotis.

Si vero dubitatur, an infans fuerit baptizatus, utatur hac forma:

N. Si non es baptizatus, ego te baptizo in nomine Patris ✠, et Filii ✠, et Spiritus ✠ sancti.

Deinde intingit pollicem in sacro Chris-

mate, et ungit infantem in summitate capitis in modum Crucis, dicens:

Deus omnipotens, Pater Domini nostri Jesu Christi, qui te regeneravit ex aqua et Spiritu Sancto, quique dedit tibi remissionem omnium peccatorum (*hic inungit*), ipse te liniat Chrismate salutis ✠ in eodem Christo Jesu Domino nostro in vitam æternam. *ñ. Amen.*

Sac. dicit. Pax tibi. *ñ.* Et cum spiritu tuo.

Tum bombacio, aut re simili abstergit pollicem suum, et locum inunctum, et imponit capiti ejus linteolum candidum loco vestis albæ, dicens:

Accipe vestem candidam, quam immaculatam perferas ante tribunal Domini nostri Jesu Christi, ut habeas vitam æternam. *ñ. Amen.*

Postea dat ei, vel Patrino, candelam accensam, dicens:

Accipe lampadem ardentem, et irreprensibilis custodi Baptismum tuum: serva Dei mandata, ut cum Dominus venerit ad nuptias, possis occurrere ei una cum omnibus Sanctis in aula cœlesti, habeasque vitam æternam, et vivas in sæcula sæculorum. *ñ. Amen.*

Postea additur:

Asperges me, etc. et Gloria Patri.

Oremus.

Omnipotens sempiterne Deus, Majestatem tuam supplices deprecamur; ut hunc famulum tuum digneris serenis aspectibus intuéri: et cui donasti Baptismi gratiam, longævam tribue sanitatem. Per Christum, etc. *R.* Amen.

V. Dominus vobiscum.

R. Et cum spiritu tuo.

V. Initium Sancti Evangelii secundum Joannem.

R. Gloria tibi, Domine.

Sacerdos signat librum Evangelii, seipsum, et infantem, et addit:

In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt, et sine ipso factum est nihil, quod factum est. In ipso vita erat, et vita erat lux hominum, et lux in tenebris lucet; et tenebræ eam non comprehenderunt. Fuit homo missus á Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat lux, sed ut testimonium perhiberet de lumine. Erat lux vera, quæ illuminat omnem hominem venientem in hanc mundum. In mundo erat, et mundus per ipsum factus est, et mundus eum non cognovit. In propria venit, et

sui eum non receperunt. Quotquot autem receperunt eum, dedit eis potestatem filios Dei fieri: his qui credunt in nomine ejus, qui non ex sanguinibus, neque ex voluntate carnis, neque ex voluntate viri, sed ex Deo nati sunt. Et Verbum caro factum est, et habitavit in nobis; et vidimus gloriam ejus, gloriam quasi Unigeniti á Patre, plenum gratiæ et veritatis. *R.* Deo gratias.

Et signat frontem infantis, dicens:

Per sancti Evangelii verbum, possideas celeste regnum. *R.* Amen.

Postremo Sac. dicit: N. Vade in pace et Dominus sit tecum. *R.* Amen.

Et dans osculari stolam, ait:

Centuplum accipias, et vitam æternam possideas in regno Dei. Amen.

Moneat Parochus Patrinos de suis obligationibus erga infantem et parentes ipsius, et postea det benedictionem circumstantibus, dicens:

Benedicat Vos omnipotens Deus, Pater, et Filius, *X* et Spiritus Sanctus. Amen.

Ite in pace, et Dominus sit vobiscum. Amen.

ORDO SUPLENDI OMISSA SUPER BAPTIZATUM.

Cum urgente mortis periculo, vel alia cogente necessitate, sive parvulus, sive adultus, sacris Precibus, ac cæremoniis præ-

termisſis, fuerit baptizatus, ubi convaluerit, vel ceſſaverit periculum, et ad Eccleſiam delatus fuerit, omiſſa omnia ſuppleantur: ideoque ordo ac ritus ſervetur, qui in Baptiſmo Parvulorum (ſi fuerit parvulus), ſeu Adultorum (ſi fuerit adultus) præſcriptus eſt. Excepto quod interrogatio: *An velit baptizari, formaque Baptiſmi, et ablutio prætermittuntur at quædam Orationes, et Exorcismi ſuo quique loco immutati, ut infra, dicuntur.*

Sacerdos igitur antequam immittat ſalem in os baptizati, manum ſuper caput ejus imponens, dicit:

Oremus.

Omnipotens, ſempiternæ Deus, Pater Domini noſtri Jeſu Chriſti, reſpicere digneris ſuper hunc famulum tuum N., quem dudum ad rudimenta fidei vocare dignatus es, omnem cæcitatẽ cordis ab eo expelle: diſrumpe omnes laqueos Satanae, quibus fuerat colligatus: aperi ei, Domine, janua pietatis tuæ, ut ſigno ſapientia tuæ imbutus, omnium cupiditatum ſætoribus careat, et ad ſuavem odorem præceptorum tuorum lætus tibi in Eccleſia tua deſerviat, et proficiat de die in diem, ut idoneus ſit frui gratia Baptiſmi tui, quem ſuſcepit, ſalis percepta medicina. Per eundem Chriſtum Dominum noſtrum. R̄. Amen.

Deinde poſteaquam modicum ſalis immiſit in os baptizati, dicens:

Accipe ſalem ſapientia, propitiatio ſit tibi in vitam æternam. R̄. Amen.

Oremus.

Deus patrum noſtrorum, Deus univerſæ conditor veritatis, te ſupplices exoramus, ut hunc famulum tuum N. reſpicere digneris propitiuſ, et hoc pabulum ſalis guttantem, non diutius eſurire permittas, quo minus cibo expleatur cœleſti, quatenus ſit ſemper ſpiritu fervens, ſpe gaudens, tuo ſemper nomini ſerviens, et quem ad novæ regenerationis lavacrum perduxisti, quaesumus Domine, ut cum fidelibus tuis promiſſionum tuarum æterna præmia conſequi mereatur. Per Chriſtum Dominum noſtrum. R̄. Amen.

Post hæc, facto ſigno Crucis in fronte baptizati, dictisque illis verbis:

Et hoc ſignum ſanctæ Crucis ✠, quod noſ fronti ejus damus, tu maledicte diabole, numquam audeas violare. Per eundem Chriſtum Dominum noſtrum. R̄. Amen.

Manu ſuper caput ejus impoſita, dicit:

Oremus.

Æternam, ac juſtiſſimam pietatem tuam deprecor, Domine ſancte, Pater omnipo-

tens, æterne Deus, auctor luminis et veritatis, super hunc fauculum tuum N., ut digneris illum illuminare lumine intelligentiæ tuæ: munda eum, et sanctifica: da ei scientiam veram, ut dignus sit frui gratia Baptismi tui, quem suscepit: teneat firmam spem, consilium rectum, doctrinam sanctam: ut aptus sit ad retinendam gratiam Baptismis tui. Per Christum Dominum nostrum. R̄. Amen.

In Baptismo autem adultorum, præter illa quæ supra notata sunt, quando supplementur omissa, hæc mutari debent.

Primum in Exorcismo. Audi, maledicte Satana, ubi dicitur (habitaculum perficiat,) dicatur, habitaculum perfecit: deinde in Exorcismo, Nec te latet, ubi dicitur, (ut fiat), dicatur, ut fieret.

ORDO

MINISTRANDI SACRAMENTUM EUCHARISTIÆ
INFIRMIS.

Sacerdos ingrediens locum, ubi jacet infirmus, dicat:

Pax huic domui.

R̄. Et omnibus habitantibus in ea.

Tum depositum Sacramentum super mensa, supposito corporali, genuflexus adorat,

omnibus in genua procumbentibus, et mox accepta aqua benedicta, aspergit infirmum et cubiculum, dicens Antiphonam:

Asperges me, Domine, hyssopo, et mundabor: lavabis me, et super nivem dealbabor.

Et primum versum Psalmi.

Miserere mei Deus, secundum etc. cum Gloria Patri etc.

Deinde repetitur Antiphona.

Asperges me, Domine, etc.

ŷ. Adjutorium nostrum in nomine Domini.

R̄. Qui fecit cœlum et terram.

ŷ. Dominus vobiscum.

R̄. Et cum spiritu tuo.

Oremus.

Exaudi nos, Domine sancte, Pater omnipotens, æterne Deus, et mittere digneris sanctum Angelum tuum de cœlis, qui custodiat, foveat, protegat, visitet atque defendat omnes habitantes in hoc habitaculo. Per Christum Dominum nostrum. R̄. Amen.

Post facta de more confessione generali, sive ab infirmo, sive ejus nomine ab alio, Sacerdos dicit:

Misereatur tui omnipotens Deus, et dimissis peccatis tuis perducatur te ad vitam æternam R̄. Amen.

Indulgentiam, ✠ absolutionem, et remissionem omnium peccatorum tuorum tribuat tibi omnipotens et misericors Dominus. R̄. Amen.

Deinde facta genuflexione, accipit Sacramentum de vasculo, atque illud elevans ostendit infirmo dicens:

Ecce Agnus Dei, ecce qui tollit peccata mundi; *et more solito ter dicat:* Domine, non sum dignus, ut intres sub tectum meum, sed tantum dic verbo, et sanabitur anima mea.

Et infirmus simul cum Sacerdote dicat eadem verba saltem, semel, submissa voce tum Sac. dans infirmo Eucharistiam dicat:

Accipe frater (vel soror) viaticum Corporis Domini nostri Jesu Christi, qui te custodiat ab hoste maligno, et perducat in vitam æternam. Amen.

Si vero Communio non datur per modum viatici, dicat more ordinario:

Corpus Domini nostri Jesu Christi custodiat animam tuam in vitam æternam. Amen.

Quod si mors imminet, et periculum sit in mora, tunc dicto Misereatur etc., prædictis precibus omnibus, vel ex parte omissis, ei statim Viaticum præbeatur.

Postea Sacerdos abluat digitos nihil dicens, et infirmo detur ablutio: deinde dicat:

Ÿ. Dominus vobiscum.

R̄. Et cum spiritu tuo.

Oremus.

Domine sancte, Pater omnipotens, æterne Deus, te fideliter deprecamur, ut accipienti fratri nostro (vel sorori nostræ) sacrosanctum Corpus Domini nostri Jesu Christi filii tui, tam corpori quam animæ prosit ad remedium sempiternum: qui tecum vivit et regnat in unitate Spiritus sancti Deus, per omnia sæculorum. R̄. Amen.

Et versus ad infirmum, dicit:

Centuplum accipias, et vitam æternam possideas in regno Dei. Amen.

Et relicto infirmo, dicat canticum:

Nunc dimittis, etc.

Et per viam: Te Deum, etc.

Cum pervenerit ad Ecclesiam, ponit Sacramentum super altare, et adorat: deinde dicit:

Ÿ. Panem de cœlo præstitisti eis.

R̄. Omne delectamentum in se habentem.

Ÿ. Dominus vobiscum.

R̄. Et cum spiritu tuo.

Oremus.

Deus qui nobis sub Sacramento mirabili

passionis tuæ memoriam reliquisti: tribue quæsumus, ita nos corporis et sanguinis tui sacra mysteria venerari, ut redemptionis tuæ fructum in nobis jugiter sentiamus. Qui vivis etc.

Tempore Paschali.

ŷ. Panem de cælo præstitisti eis. Alleluia.

℞. Omne delectamentum in se habentem. Alleluia.

ŷ. Dominus vobiscum.

℞. Et cum spiritu tuo.

Oremus.

Spiritum nobis, Domine, tuæ charitatis infunde, ut quos Sacramentis paschalibus satiasti, tua facias pietate concordēs: per Christum Dominum nostrum. ℞. Amen.

ORDO

MINISTRANDI SACRAMENTUM EXTR. UNCTIONIS.

Cum peruentum fuerit ad locum ubi jacet infirmus, Sacerdos intrans cubiculum dicit:

ŷ. Pax huic domui.

℞. Et omnibus habitantibus in ea.

Deinde subjungit: Asperges me, Domine, hyssopo, et mundabor, lavabis me, et super nivem dealabor. Postea dicit versiculum:

ŷ. Adjutorium nostrum in nomine Domini.

℞. Qui fecit cælum et terram.

ŷ. Dominus vobiscum.

℞. Et cum spiritu tuo.

Oremus.

Introeat, Domine Jesu Christe, domum hanc sub nostræ humilitatis ingressu, æterna felicitas, divina prosperitas serena lætitia, charitas fructuosa, sanitas sempiterna: effugiat ex hoc loco accessus dæmonum: adsint angeli pacis, domumque hanc deserat omnis maligna discordia. Magnifica, Domine, super nos Nomen sanctum tuum, et benedic ✠ nostræ conversationi sanctifica nostræ humilitatis ingressum, qui sanctus et pius es, et permanes cum Patre et Spiritu Sancto in sæcula sæculorum. Amen.

Oremus, et deprecemur Dominum nostrum Jesum Christum, ut benedicendo benedicat ✠ hoc tabernaculum, et omnes habitantes in eo, et det eis Angelum bonum custodem, et faciat eos sibi servire ad considerandum mirabilia de lege sua: avertat ab eis omnes contrarias potestates: eripiat eos ab omni formidine et ab omni perturbatione, ac sanos in hoc tabernaculo custodire dignetur. Qui cum Patre et Spiritu sancto vivit et regnat Deus in sæcula sæculorum. Amen.

Oremus.

Exaudi nos, Domine sancte, Pater omnipotens, æternæ Deus, et mittere digneris sanctum Angelum tuum de cœlis, qui custodiat, foveat, protegat, visitet atque defendat omnes habitantes in hoc habitaculo. Per Christum Dominum nostrum. Amen.

Quæ orationes, si tempus non patiatur, ex parte, vel in totum poterunt omitti. Tum de more facta confessione generali, latino vel vulgari sermone, Sacerdos dicat: Misereatur tui etc. Indulgentiam, absolutionem, etc.

Deinde:

Dominus noster Jesus Christus te absolvat, et ego auctoritate ipsius te absolvo ab omni vinculo excommunicationis, (suspensionis) et interdicti, si fortè incurristi; et applico tibi omnes indulgentias, quas tibi applicare possum virtute Bullarum, et privilegiorum tuorum. Si verò præsens mortis periculum (Deo favente) evaseris, reservo tibi hujusmodi indulgentias pro verò articulo mortis tuæ.

Antequam Parochus incipiat ungere infirmum, moneat adstantes, ut pro illo orent et ubi commodum fuerit pro loco et tempore, et adstantium numero, vel qualitate, recitent septem psalmos pœnitentiales cum li-

tantiis, vel alias preces, dum ipse unctionis Sacramentum administrat. Mox dicat:

In nomine Patris, et Filii ☩ et Spiritus sancti extinguatur in te omnis virtus diaboli per impositionem manuum nostrarum, et per invocationem omnium sanctorum, Angelorum, Archangelorum, Patriarcharum, Prophetarum, Apostolorum, Martyrum, Confessorum, Virginum, atque omnium simul Sanctorum. Amen.

Deinde intincto pollice oleo sancto in modum Crucis, ungit infirmum in partibus hic subscriptis, in aptando proprio loco verba formæ in hunc modum.

Ad oculos.

Per istam sanctam unctionem ☩, et suam piissimam misericordiam, indulgeat tibi Dominus quidquid per visum deliquisti. Amen.

Minister vero si est in sacris, vel ipsemet Sacerdos, post quamlibet unctionem, tergat loca inuncta novo globulo bomicii, vel rei similis; eaque in vase mundo reponat, et ad Ecclesiam postea deferat, comburat, cineresque projiciat in sacrarium.

Ad aures.

Per istam sanctam unctionem ☩, et suam piissimam misericordiam, indulgeat tibi Dominus quidquid per auditum deliquisti. Amen.

Ad nares.

Per istam sanctam unctionem ✠, et suam piissimam misericordiam, indulgeat tibi Dominus quidquid per odoratum deliquisti. Amen.

Ad os, compressis labiis.

Per istam sanctam unctionem ✠, et suam piissimam misericordiam, indulgeat tibi Dominus quidquid per gustum et locutionem deliquisti. Amen.

Ad manus.

Per istam sanctam unctionem ✠, et suam piissimam misericordiam, indulgeat tibi Dominus quidquid per tactum deliquisti. Amen.

Et adverte, quod Sacerdotibus manus non inunguntur interius, sed exterius.

Ad pedes.

Per istam sanctam unctionem ✠, et suam piissimam misericordiam, indulgeat tibi Dominus quidquid per gressum deliquisti. Amen.

Ad lumbos sive renes.

Per istam sanctam unctionem ✠, et suam piissimam misericordiam, indulgeat tibi Dominus quidquid per lumborum delectationem deliquisti. Amen.

Hæc autem unctio ad lumbos omittitur

semper in sceminis, et etiam in viris, qui ob infirmitatem vix, aut sine periculo, moveri non possunt.

Quibus omnibus peractis, Sacerdos dicit:

Kyrie eleison. Christe eleison.

Kyrie eleison. Pater noster, etc.

Y. Et ne nos inducas in tentationem.

R. Sed libera nos a malo.

Y. Salvum fac servum tuum.

R. Deus meus, sperantem in te.

R. Mitte ei, Domine, auxilium de sancto.

R. Et de Sion tuere eum.

Y. Esto ei, Domine, turris fortitudinis.

R. A facie inimici.

Y. Nihil proficiat inimicus in eo.

R. Et filius iniquitatis non apponat nocere ei.

Y. Domine, exaudi etc.

R. Et clamor etc.

Y. Dominus voviscum.

R. Et cum spiritu tuo.

Oremus.

Domine Deus, qui per Apostolum tuum Jacobum locutus es: infirmatur quis in vobis? inducat presbyteros Ecclesie, et orent super eum, ungentes eum oleo in nomine Domini, et oratio fidei salvabit infirmum, et alleviabit eum Dominus; et si in peccatis sit, remittentur ei: cura, quaesumus, Redemptor noster gratia sancti Spiritus lan-

guores istius infirmi, ejusque sana vulnera et dimitte peccata, atque dolores cunctos mentis et corporis ab eo expelle, plenamque interius et exterius sanitatem misericorditer redde, ut ope misericordiæ tuæ restitutus ad pristina reparetur officia. Qui cum Patre et Spiritu sancto vivis et regnas Deus, in sæcula sæculorum. Amen.

Oremus.

Respice, quæsumus, Domine, famulum tuum N. in infirmitate sui corporis fatiscentem, et animam refove, quam creasti, ut castigationibus emendatus, se tua sentiat medicina salvatum. Per Christum Dominum nostrum. Amen.

Oremus.

Domine sancte, Pater omnipotens, æterne Deus qui benedictionis tuæ gratiam ægris infundendo corporibus, facturam tuam multiplici pietate custodis: ad invocationem tui nominis benignus assiste; ut famulum tuum ab ægritudine liberatum, et sanitate donatum, dextera tua erigas, virtute confirmes, potestate tuearis, atque Ecclesiæ tuæ sanctæ cum omni desiderata prosperitate restituas. Per Christum Dominum nostrum. Amen.

MODUS A SS. D. N. BENEDICTO PAPA XIV.
APROBATUS.

Pro opportunitate temporis servandus, ut infra in Rúbricis notatur, ad impertiendam Benedictionem cum indulgentia plenaria in articulo mortis constitutis ab his qui facultatem habent a sede Apostolica delegatam.

Benedictio in articulo mortis cum soleat impertiri post Sacramenta Pænitentiae, Eucharistiae, et Extremæ Unctionis, illis infirmis, qui vel illam petierint dum sane mente et integris sensibus erant, seu verisimiliter petissent, vel dederint signa contritionis: impertienda iisdem est etiam si postea lingua, cæterorumque sensuum usu sint destituti, aut in delirium, vel amentiam inciderint: excommunicatis vero, impænitentibus et qui in manifesto peccato mortali moriuntur est omnino deneganda.

Habens prædictam facultatem ingrediendi cubiculum, ubi jacet infirmus, dicat: Pax huic domui, etc., ac deinde ægrotum, cubiculum, et circumstantes aspergat aqua benedicta, dicendo Antiphonam: Asperges, etc.

Quod si ægrotus voluerit confiteri audeat illum, et absolvat. Si confessionem non petat, excitet illum ad eliciendum actum contritionis, de hujus benedictionis, effica-

cia ac virtute, si tempus ferat, breviter admoneat; tum instruat atque hortetur, ut morbi incommoda, ac dolores in anteaclivite expiationem libenter perferat. Deoque sese paratum offerat ad ultro acceptandum quidquid ei placuerit, et mortem ipsam patienter obeundam in satisfactionem pœnarum, quas peccando promeruit. Tum piis ipsum verbis consoletur, in spem erigens, fore, ut ex divinæ munificentiae, largitate remissionem et vitam sit consecuturus æternam. Postea dicit:

Ÿ. Adjutorium nostrum in nomine Domini

Ŕ. Qui fecit cœlum et terram.

Antiphona: Ne reminiscaris, Domine, delicta famuli tui (*vel ancillæ*) neque vindictam sumas de peccatis ejus.

Kyrie eleison. Christe eleison. Kyrie eleison. Pater noster, etc.

Ÿ. Et ne nos inducas in tentationem.

Ŕ. Sed libera nos a malo.

Ÿ. Salvum fac servum tuum (*vel ancillam tuam.*)

Ŕ. Deus meus, sperantem in te.

Ÿ. Domine, exaudi orationem meam.

Ŕ. Et clamor meus ad te veniat.

Ÿ. Dominus vobiscum.

Ŕ. Et cum spiritu tuo.

Oremus.

Clementissime Deus, Pater misericordiarum, et Deus totius consolationis, qui neminem vis perire in te credentem atque sperantem, secundum multitudinem miserationum tuarum respice propitius famulum tuum N. quem tibi vera fides et spes christiana commendant: visita eum in salutari tuo, et per Unigeniti tui passionem et mortem omnium ei delictorum suorum remissionem et veniam clementer indulge, ut ejus anima in hora exitus sui te judicem propitiatum inveniat, et in sanguine ejusdem Filii tui ab omni macula abluta, transire ad vitam mereatur perpetuam. Per eundem Christum etc.

Tum dicto ab uno ex clericis adstantibus Confiteor etc. Sac. dicat: Misereatur etc., *deinde:*

Dominus noster Jesus Christus Filius Dei vivi qui beato Petro apostolo suo dedit potestatem ligandi atque solvendi, per suam piissimam misericordiam recipiat confessionem tuam, et restituat tibi stolam primam quam in baptismo recepisti. Et ego facultate mihi ab Apostolica Sede tributa, indulgentiam plenariam, et remissionem omnium peccatorum tibi concedo. In nomine Patris etc.

Per sacrosancta humanæ reparationis

mysteria, remittat tibi omnipotens Deus omnes presentis et futuræ vitæ pœnas. Paradisi portas aperiat, et ad gaudia sempiterna perducatur. Amen.

Benedicat omnipotens Deus, Pater, et Filius, et Spiritus sanctus. Amen.

Si vero infirmus sit adeo morti proximus, ut neque confessionis generalis faciendæ, neque præmissarum precum recitandarum tempus suppetat, statim sacerdos benedictionem ei impertiatur dicens:

Dominus noster etc.

Et si mors proximè urgeat, dicat:

Indulgentiam plenariam et remissionem omnium peccatorum tibi concedo, in nomine ✠ Patris, et Filii, et Spiritus Sancti. Amen.

ORDO

COMMENDATIONIS ANIMÆ CUM IN AGONE SUI
EXITUS ANIMA ANXIATUR.

Sacerdos ingressus ubi jacet infirmus dicat:

Pax huic domui, et omnibus habitantibus in ea.

Deinde aspergat ægrotum, lectum, et circumstantes, aqua benedicta, dicens:

Asperges me, Domine, hyssopo, et mundabor, etc.

Deinde, accensa candela, genibus flexis, cum omnibus circumstantibus litanias breves devote recitet in hunc modum.

Kyrie eleison.

Christe eleison.

Kyrie eleison.

Sancta Maria,

Ora pro eo.

Omnes sancti Angeli, et Archangeli, orate pro eo.

Sancte Abel,

ora.

Omnis chorus justorum,

ora.

Sancte Abraham,

ora.

Sancte Joannes Baptista,

ora.

Sancte Joseph,

ora.

Omnes sancti Patriarchæ et Prophetæ, orate.

Sancte Petre,

ora pro eo.

Sancte Paule,

ora.

Sancte Andrea,

ora.

Sancte Joannes,

ora.

Omnes sancti Apostoli et Evangelistæ, orate.

Omnes sancti Discipuli Domini, orate.

Omnes sancti Innocentes, orate.

Sancte Stephane,

ora.

Sancte Laurenti.

ora.

Omnes sancti Martyres,

orate.

Sancte Sylvester,

ora.

Sancte Gregori,

ora.

Sancte Augustine, ora.
Omnes sancti Pontifices et Confessores, orate.

Sancte Benedicte, ora.
Sancte Francisce, ora.

Omnes sancti Monachi et Eremitæ, orate.
Sancta Maria Magdalena, ora.

Sancta Lucia, ora.
Omnes sanctæ Virgines et Viduæ, orate.

Omnes sancti et sanctæ Dei, Intercedite pro eo.

Propitius esto, parce ei, Domine.
Propitius esto, libera eum, Domine.

Ab ira tua, libera.

A periculo mortis, libera.

A mala morte, libera.

A pœnis inferni, libera.

Ab omni malo, libera.

A potestate diaboli, libera.

Per nativitatem tuam, libera.

Per crucem et passionem tuam, libera eum, Domine.

Per mortem et sepulturam tuam, libera eum, Domine.

Per gloriosam resurrectionem tuam, libera eum Domine.

Per admirabilem ascencionem tuam, libera eum, Domine.

Per gratiam Spiritus Sancti Paracliti, libera eum, Domine.

In die iudicii, libera.
Pecatores, Te rogamus, audi nos.

Ut ei parcas, Te rogamus, audi nos.
Kyrie eleison.

Christe eleison.
Kyrie eleison. *Pater, Ave.*

Oratio.

Domine Jesu Christe, per tuam sanctissimam agoniam et orationem qua orasti pro nobis in monte Oliveti, quando factus est sudor tuus sicut guttæ sanguinis decurrentis in terram, obsecro te, ut multitudinem sudoris tui sanguinei, quem præ timoris angustia copiosissime pro nobis effudisti, offerre, et ostendere digneris Deo Patri omnipotenti contra multitudinem omnium peccatorum hujus famuli tui N., et libera eum in hac hora mortis suæ ab omnibus pœnis et angustiis quas pro peccatis suis timet se meruisse. Qui cum Patre et Spiritu sancto vivis etc. Kyrie eleison. Christe eleison. Kyrie eleison. *Pater noster. Ave Maria.*

Oratio.

Domine Jesu Christe, qui pro nobis mori dignatus es in cruce, obsecro te, ut omnes amaritudines passionum et pœnarum tuarum quas pro nobis miseris peccatoribus sustinuisti in cruce, maxime in illa hora quando sanctissima anima tua egressa est de sanctissimo corpore tuo, offerre et osten-

dere digneris Deo Patri omnipotenti pro anima hujus famuli tui N., et libera eum in hac hora mortis ab omnibus pœnis et passionibus, quas pro peccatis suis timet se meruisse. Qui cum Patre et Spiritu sancto vivis et regnas etc.

Kyrie eleison. Christe eleison. Kyrie eleison. *Pater noster. Ave Maria.*

Oratio.

Domine Jesu Christe, qui per os Prophetæ dixisti: In charitate perpetua dilexi te, ideo attraxi te miserans tui; obsecro te, ut eandem charitatem tuam, quæ te de cœlis in terram ad tolerandas omnium passionum tuarum amaritudines attraxit, offerre et ostendere digneris Deo Patri omnipotenti pro anima hujus famuli tui N. et libera eum ab omnibus passionibus et pœnis, quas pro peccatis suis timet se meruisse. Et salva animam ejus in hac hora exitus sui; aperi ei januam vitæ, et fac eum gaudere cum Sanctis tuis in gloria æterna. Et tu, piissime Domine Jesu Christe, qui redemisti nos pretiosissimo sanguine tuo, miserere animæ hujus famuli tui, et eam introducere digneris ad semper virentia et amœna loca paradisi, ut vivat tibi amore indivisibili, qui a te et ab electis tuis nunquam separari potest. Qui cum Patre et Spiritu sancto vivis et regnas Deus in sæcula sæculorum. R. Amen.

Deinde in extremis dicantur orat. sequentes.

Oratio.

Proficiscere, anima christiana, de hoc mundo, in nomine Dei Patris omnipotentis, qui te creavit: in nomine Jesu Christi Filii Dei vivi, qui pro te passus est: in nomine Spiritus sancti, qui in te effusus est: in nomine Angelorum et Archangelorum: in nomine Thronorum et Dominationum: in nomine Principatum et Potestatum: in nomine Cherubim et Seraphim: in nomine patriarcharum et prophetarum: in nomine sanctorum apostolorum et evangelistarum: in nomine sanctorum martyrum et confessorum: in nomine sanctorum monachorum et eremitarum: in nomine sanctarum virginum et omnium sanctorum et sanctarum Dei: hodie sit in pace locus tuus, et habitatio tua in sancta Sion. Per eundem Christum Dominum nostrum. R. Amen.

Oratio.

Deus misericors, Deus clemens, Deus, qui secundum multitudinem miserationum tuarum peccata pœnitentium deles, et præteritorum criminum culpas venia remissionis evacuas: respice propitius super hunc famulum tuum N., et remissionem omnium peccatorum suorum tota cordis confessio-

ne poscentem deprecatus exaudi. Renova in eo, piissime Pater, quidquid terrena fragilitate corruptum, vel quidquid diabolica fraude violatum est; et unitate corporis Ecclesiæ membrum redemptionis annecte. Miserere, Domine, gemituum, miserere lacrymarum ejus; et non habentem fiduciam nisi in tua misericordia, ad tuæ sacramentum reconciliationis admitte. Per Christum Dominum nostrum. R. Amen.

Commendo te omnipotenti Deo, charissime frater, et ei, cujus es creatura, committo; ut cum humanitatis debitum, morte interveniente, persolveris, ad auctorem tuum, qui te de limo terræ formaverat, revertaris. Egrescenti itaque animæ tuæ de corpore splendidus Angelorum cœtus occurrat: judex Apostolorum tibi senatus adveniat: candidatorum tibi Martyrum triumphator exercitus obviet: liliata rutilantium te Confessorum turma circumdet: jubilantium te Virginum chorus excipiat: et beatae quietis in sinu Patriarcharum te complexis astringat: mitis atque festivus, Christi Jesu tibi aspectus appareat, qui inter assistentes sibi jugiter interesse decernat. Ignores omne quod horret in tenebris, quod stridet in flammis, quod cruciat in tormentis. Cedat tibi teterrimus Satanæ cum satellitibus suis: in adventu tuo te comitantibus Angelis contremiscat: atque in æternæ

noctis chaos immane diffugiat. Exurgat Deus, et dissipentur inimici ejus: ut fugiant qui oderunt eum a facie ejus. Sicut deficit fumus, deficient: sicut fluit cera a facie ignis, sic pereant peccatores a facie Dei, et justi epulentur, et exultent in conspectu Dei. Confundantur igitur, et erubescant omnes tartare legiones, et ministri Satanae iter tuum impedire non audeant. Liberet te a cruciatu Christus, qui pro te crucifixus est. Liberet te ab æterna morte Christus, qui pro te mori dignatus est. Constituat te Christus Filius Dei vivi intra paradisi sui semper amœna virentia, et inter oves suas te verus ille Pastor agnoscat. Ille ab omnibus peccatis tuis te absolvat, atque ad dexteram suam in electorum suorum te sorte constituat. Redemptorem tuum facie ad faciem videas, et præsens semper assistens, manifestissimam beatissimis oculis aspicias veritatem. Constitutus igitur inter agmina beatorum, contemplationis divinæ dulcedine potiaris in sæcula sæculorum. R. Amen.

Oratio.

Suscipe, Domine, servum tuum in locum sperandæ sibi salvationis a misericordia tua. R. Amen.

Libera, Domine, animam servi tui ex omnibus periculis inferni, et de laqueo

poenarum, et ex omnibus tribulationibus.
R̄. Amen.

Libera, Domine, animam servi tui, sicut liberasti Enoch et Eliam de communi morte mundi. R̄. Amen.

Libera, Domine, animam servi tui, sicut liberasti Noe de diluvio. R̄. Amen.

Libera, Domine, animam servi tui, sicut liberasti Abraham de Ur Chaldæorum. R̄. Amen.

Libera, Domine, animam servi tui, sicut liberasti Job de passionibus suis. R̄. Amen.

Libera, Domine, animam servi tui, sicut liberasti Isaac de hostia, et de manu patris sui Abrahæ. R̄. Amen.

Libera, Domine, animam servi tui, sicut liberasti Loth de Sodomis, et de flamma ignis. R̄. Amen.

Libera, Domine, animam servi tui, sicut liberasti Moysen de manu Pharaonis regis Ægyptiorum. R̄. Amen.

Libera, Domine, animam servi tui, sicut liberasti Danielelem de lacu leonum. R̄. Amen.

Libera, Domine, animam servi tui, sicut liberasti tres pueros de camino ignis ardentis, et de manu regis iniqui. R̄. Amen.

Libera, Domine, animam servi tui, sicut liberasti Susanam de falso crimine. R̄. Amen.

Libera, Domine, animam servi tui, sicut

liberasti David de manu regis Saul, et de manu Goliæ. R̄. Amen.

Libera, Domine, animam servi tui, sicut liberasti Petrum et Paulum de carceribus. R̄. Amen.

Et sicut beatissimam Theclam virginem et martyrem tuam de tribus atrocissimis tormentis liberasti, sic liberare digneris animam hujus servi tui, et tecum facias in bonis congaudere celestibus. R̄. Amen.

Oratio.

Commendamus tibi, Domine, animam famuli tui N., precamurque te, Domine Jesu Christe, Salvator mundi, ut propter quam ad terram misericorditer descendisti, patriarcharum tuorum sinibus insinuare non renuas. Agnosce, Domine, creaturam tuam, non a diis alienis creatam, sed a te solo Deo vivo et vero, quia non est alius Deus præter te, et non est secundum opera tua. Lætifica, Domine, animam ejus in conspectu tuo, et ne memineris iniquitatum ejus antiquarum, et ebrietatum, quas suscitavit furor, sive fervor mali desiderii. Licet enim peccaverit tamen Patrem, et Filium, et Spiritum sanctum non negavit, sed credidit, et zelum Dei in se habuit, et Deum, qui fecit omnia, fideliter adoravit.

Oratio.

Delicta juventutis et ignorantias ejus,

quæsumus, ne memineris, Domine, sed secundum magnam misericordiam tuam memor esto illius in gloria claritatis tuæ. Aperiantur ei cœli, collentur illi Angeli. In regnum tuum, Domine, servum tuum suscipe. Suscipiat eum sanctus Michaël Archangelus Dei, qui militiæ cœlestis meruit principatum. Veniant illi obviam sancti Angeli Dei, et perducant eum in civitatem cœlestem Jerusalem. Suscipiat eum beatus Petrus, cui a Deo claves regni cœlestis traditæ sunt. Adjuret eum Paulus apostolus, qui dignus fuit esse vas electionis. Intercedat pro eo sanctus Joannes electus Dei apostolus, cui revelata sunt secreta cœlestia. Orent pro eo omnes sancti Apostoli, quibus a Domino data et potestas ligandi atque solvendi. Intercedant pro eo omnes Sancti, et electi Dei, qui pro Christi nomine tormenta in hoc sæculo sustinuerunt; ut vinculis carnis exutus, pervenire mereatur ad gloriam regni cœlestis. Qui cum Patre et Spiritu sancto vivit et regnat in sæcula sæculorum. R̄. Amen.

IN EXPIRATIONE.

Asistens, sive sacerdos pro moriente, si ipse non potest, pronunciet clara voce JESU, JESU, JESU. Quod, et ea quæ sequuntur, ad illius aures, si videbitur, etiam sæpius repetat.

In manus tuas, Domine, commendo Spiritum meum: Domine Jesu Christe, suscipe spiritum meum: sancta Maria, ora pro me. Maria Mater gratiæ. Mater misericordiæ, tu me ab hoste protege, et hora mortis suscipe.

Egressa de corpore anima, statim dicatur:

Subvenite, Sancti Dei, occurrere, Angeli Domini, suscipientes animam ejus, offerentes eam in conspectu Altissimi. Suscipiat te Christus, qui vocavit te, et in sinu Abrahæ Angeli deducant te. Suscipientes animam ejus. Offerentes eam in conspectu Altissimi.

Requiem æternam dona ei, Domine, et lux perpetua luceat ei. Offerentes eam in conspectu Altissimi. Kyrie eleison. Christe eleison. Kyrie eleison. Pater noster, etc.

v̄. Et ne nos inducas in tentationem.

R̄. Sed libera nos a malo.

v̄. A porta inferi.

R̄. Erue, Domine, animam ejus.

v̄. Requiescat in pace. R̄. Amen.

v̄. Domine, exaudi orationem meam.

R̄. Et clamor meus ad te veniat.

v̄. Dominus vobiscum.

R̄. Et cum spiritu tuo.

Oremus.

Tibi, Domine, commendamus animam famuli tui N., ut defunctus sæculo tibi vi-

vat, et quæ per fragilitatem humanæ conversationis peccata commisit, tu venia misericordiosissimæ pietatis absterge. Per Christum Dominum nostrum. Amen.

Antiph. Si iniquitates.

Psalm. De profundis etc.

Ant. Si iniquitates observaveris, Domine; Domine, quis sustinebit?

Oremus.

Absolve, quæsumus Domine, animam famuli tui N. ab omni vinculo delictorum, ut in resurrectionis gloria inter Sanctos et Electos tuos resuscitatus respiret. Per Christum Dominum nostrum. Amen.

ORDO

EXEQUIARUM.

Parochus domum ingressus, ubi jacet cadaver, illud aspergit aqua benedicta: mox dicit Antiphonam: Si iniquitatis observaveris, Domine, Domine, quis sustinebit?

Psalmus 129.

De profundis clamavi ad te, Domine,* Domine, exaudi vocem meam.

Fiant aures tuæ intendentes * in vocem deprecationis meæ.

Si iniquitates observaveris, Domine: * Domine, quis sustinebit?

Quia apud te propitiatio est: * et propter legem tuam sustinui te, Domine.

Sustinuit anima mea in verbo ejus: * speravit anima mea in Domino.

A custodia matutina usque ad noctem, * speret Israël in Domino.

Quia apud Dominum misericordia, * et copiosa apud eum redemptio.

Et ipse redimet Israël* ex omnibus iniquitatibus ejus.

In fine Requiem æternam etc. Et repetit Antiphonam totam: Si iniquitates. *Deinde cadaver effertur, parochusque de domo procedens intonat:*

Antiph. Exultabunt Domino.

Et statim inchoat Psalmum 50.

Miserere mei, Deus, * secundum magnam misericordiam tuam.

Et secundum multitudinem miserationum tuarum* dele iniquitatem meam.

Amplius lava me ab iniquitate mea:* et a peccato meo munda me.

Quoniam iniquitatem meam ego cognosco:* et peccatum meum contra me est semper.

Tibi soli peccavi, et malum coram te feci:* ut justificeris in sermonibus tuis, et vincas cum judicaris.

Ecce enim in iniquitatibus conceptus sum:* et in peccatis concepit me mater mea.

Ecce enim veritatem dilexisti: * incerta et occulta sapientiæ tuæ manifestasti mihi.

Asperges me hyssopo, et mundabor: * lavabis me, et super nivem dealbabor.

Auditui meo dabis gaudium, et lætitiã: et exultabunt ossa humiliata.

Averte faciem tuam a peccatis meis: * et omnes iniquitates meas dele.

Cor mundum creâ in me, Deus: * et spiritum rectum innova in visceribus meis.

Ne projicias me a facie tua: * et spiritum sanctum tuum ne auferas a me.

Redde mihi lætitiã salutaris tui: * et spiritu principali confirma me.

Docebo iniquos vias tuas: * et impii ad te convertentur.

Libera me de sanguinibus, Deus, Deus salutis meæ: * et exultabit lingua mea justitiã tuam.

Domine, labia mea aperies, * et os meum annuntiabit laudem tuam.

Quoniam si voluisses sacrificium, dedissem utique: * holocaustis non delectaberis.

Sacrificium Deo spiritus contribulatus: * cor contritum et humiliatum, Deus, non despicias.

Benigne fac, Domine, in bona voluntate tua Sion: * ut ædificentur muri Jerusalem.

Tunc acceptabis sacrificium justitiæ, oblationes, et holocausta, * tunc imponent super altare tuum vitulos.

Requiem etc.

Ad ingressum Eccl. repetit. Ant. Exultabunt.

Deinde ingressi Ecclesiam cantant Resp., cantore incipiente, et clero alternatim respondente, videlicet:

Subvenite, Sancti Dei, occurrite, Angeli Domini, suscipientes animam ejus: Offerentes eam in conspectu Altissimi.

Ÿ. Suscipiat te Christus, qui vocavit te: et in sinu Abrahæ Angeli deducant te.

Ŕ. Suscipientes animam ejus: * Offerentes eam in conspectu Altissimi.

Ÿ. Requiem æternam dona ei, Domine; et lux perpetua luceat ei.

Ŕ. Offerentes eam in conspectu Altissimi.

Si missa solemnis, præsentem cadavere, non celebratur, absolute dicit seq. orationem.

Non intres in iudicium cum servo tuo, Domine, quia nullus apud te justificabitur homo, nisi per te omnium peccatorum ei tribuatur remissio. Non ergo eum, quæsumus, tua judicialis sententia premat, quem tibi vera supplicatio fidei christianæ commendat: sed gratia tua illi succurrente mereatur evadere iudicium ultionis, qui dum viveret, insignitus fuit signaculo sanctæ Trinitatis. Qui vivis et regnas etc.

Deinde Parocho, vel cantore incipiente,

*circumstantes cantant sequens Responso-
rium.*

Libera me, Domine, de morte æterna in
die illa tremenda: * Quando cœli movendi
sunt, et terra: * dum veneris iudicare sæ-
culum per ignem.

ŷ. Tremens factus sum ego, et timeo,
dum discussio venerit atque ventura ira.

℞. Quando cœli movendi sunt et terra.

ŷ. Dies illa, dies iræ, calamitatis et mi-
seriæ, * dies magna et amara valde.

℞. Dum veneris iudicare sæculum per
ignem.

ŷ. Requiem æternam dona ei, Domine:
et lux perpetua luceat ei.

℞. Libera me Domine, de morte æterna
in die illa tremenda.

ŷ. Quando cœli movendi sunt, et terra.

℞. Dum veneris iudicare sæculum per
ignem.

Tum Sacerdos dicit:

ŷ. Kyrie eleison. ℞. Christe eleison.

ŷ. Kyrie eleison.

Pater noster, *secreto.*

ŷ. Et ne nos inducas in tentationem.

℞. Sed libera nos a malo.

ŷ. A porta inferi.

℞. Erue, Domine, animam ejus.

ŷ. Requiescat in pace. ℞. Amen.

ŷ. Domine, exaudi orationem meam.

℞. Et clamor meus ad te veniat.

ŷ. Dominus vobiscum.

℞. Et cum spiritu tuo.

Oremus.

Deus, cui proprium est misereri semper,
et parcere: te supplices exoramus pro anima
famuli tui N., quam hodie de hoc sæculo
migrare jussisti: ut non tradas eam in ma-
nus inimici, neque obliviscaris in finem,
sed jubeas eam a sanctis Angelis suscipi,
et ad patriam paradisi perducere, ut quia in
te speravit et credidit, non pœnas inferni
sustineat, sed gaudia æterna possideat. Per
Christum Dominum nostrum. ℞. Amen.

*Si defunctus fuerit Sacerdos, in oratione
dicatur, pro anima famuli tui Sacerdotis,
quam hodie etc.*

*Finita oratione, si tunc deferendum sit
corpus ad sepulcrum, dum portatur canitur.*

Antiphona.

In paradysum deducant te Angeli: in tuo
adventu suscipiant te Martyres, et perdu-
cant te in civitatem sanctam Jerusalem.
Chorus Angelorum te suscipiat, et cum
Lazaro quondam paupere æternam habeas
requiem.

*Cum autem pervenerit ad sepulcrum, si
non est benedictum, Sacerdos illud benedi-
cit dicens hanc*

Deus, cujus miseratione animæ fidelium requiescunt, hunc tumulum benedicere dignare, eique Angelum tuum sanctum deputa custodem, et quorum, quarumque corpora hic sepeliuntur, animas eorum ab omnibus absolve vinculis delictorum, ut in te semper cum Sanctis tuis sine fine lætentur. Per Christum Dominum nostrum. R. Amen.

Dicta oratione, Sacerdos aqua benedicta aspergat corpus defuncti.

Quod si corpus tunc ad sepulturam non deferatur, omisso responsorio in paradisum, etc., intonat statim.

Antiph. Ego sum etc.

Cant. Zachariæ. Luc. 1.

Benedictus Dominus Deus Israël,* quia visitavit, et fecit redemptionem plebis suæ.

Et erexit cornu salutis nobis,* in domo David pueri sui.

Sicut locutus est per os sanctorum,* qui a sæculo sunt prophetarum ejus.

Salutem ex inimicis nostris,* et de manu omnium, qui oderunt nos.

Ad faciendam misericordiam cum patribus nostris;* et memorari testamenti sui sancti.

Jusjurandum, quod juravit ad Abraham patrem nostrum,* daturum se nobis.

Ut sine timore, de manu inimicorum nostrorum liberati,* serviamus illi.

In sanctitate et justitia coram ipso,* omnibus diebus nostris.

Et tu, Puer, Propheta Altissimi vocaberis:* præibis enim ante faciem Domini parare vias ejus.

Ad dandam scientiam salutis plebi ejus:* in remissionem peccatorum eorum.

Per viscera misericordiæ Dei nostri,* in quibus visitavit nos, oriens ex alto.

Illuminare his, qui in tenebris, et in umbra mortis sedent:* ad dirigendos pedes nostros in viam pacis.

Requiem æternam etc.

Antiph. Ego sum resurrectio, et vita: qui credit in me, etiamsi mortuus fuerit, vivet: et omnis qui vivit et credit in me, non morietur in æternum.

Postea Sacerdos dicit:

Kyrie eleison. Christe eleison. Kyrie eleison. Pater noster, *secreto.*

Interim corpus aspergit.

℣. Et ne nos inducas in tentationem.

℞. Sed libera nos a malo.

℣. A porta inferi.

℞. Erue, Domine, animam ejus.

ŷ. Requiescat in pace. R̄. Amen.
 ŷ. Domine, exaudi orationem meam.
 R̄. Et clamor meus ad te veniat.
 ŷ. Dominus vobiscum.
 R̄. Et cum spiritu tuo.

Pro defuncto Oratio.

Fac, quæsumus, Domine, hanc cum ser-
 vo tuo defuncto misericordiam, ut factorum
 suorum in pœnis non recipiat vicem, qui
 tuam in votis tenuit voluntatem; ut
 sicut hic eum vera fides junxit fidelium
 turmis, illic eum tua miseratio societ
 Angelicis choris. Per Christum Dominum
 nostrum. R̄. Amen.

Pro defuncta. Oremus.

Fac, quæsumus, Domine, hanc cum fa-
 mula tua defuncta, misericordiam, ut fac-
 torum suorum in pœnis non recipiat vicem,
 quæ tuam in votis tenuit voluntatem; ut
 sicut hic eam vera fides junxit fidelium
 turmis, ita illic eam tua miseratio societ
 Angelicis choris. Per Christum Dominum
 nostrum. R̄. Amen.

ŷ. Requiem æternam dona ei, Domine.
 R̄. Et lux perpetua luceat ei.
 ŷ. Requiescat in pace. R̄. Amen.
 ŷ. Anima ejus, et anima omnium fide-
 lium defunctorum per misericordiam Dei
 requiescant in pace. R̄. Amen.

Deinde a sepultura in Ecclesiam, vel in

*sacristiam revertentes, dicant sine cantu
 Antiphonam. Si iniquitates, cum Psalm.
 De profundis, etc., Requiem æternam dona
 ei, Domine, etc.*

DE EXEQUIIS PARVULORUM.

*Parochus superpelliceo et stola alba in-
 dutus, ad domum defuncti cum clerico as-
 persorium deferente. Domum ingressus Sa-
 cerdos aspergit corpus, deinde dicit:*

Antiph. Sit nomen Domini.

Psalmus 112.

Laudate pueri Dominum;* laudate no-
men Domini.

Sit nomen Domini benedictum: * ex hoc
nunc et usque in sæculum.

A solis ortu usque ad occasum,* lauda-
bile nomen Domini.

Excelsus super omnes gentes Dominus:*
et super cœlos gloria ejus.

Quis sicut Dominus Deus noster, qui in
altis habitat,* et humilia respicit in cœlo
et in terra?

Suscitans a terra inopem:* et de stercore
erigens pauperem:

Ut collocet eum cum principibus,* cum
principibus populi sui.

Qui habitare facit sterilem in domo,*
matrem filiorum lætantem.

Gloria Patri, et Filio, et Spiritui Sancto
etc.

Antiph. Sit nomen Domini benedictum
ex hoc nunc, et usque in sæculum.

Dum portatur ad Ecclesiam dicatur.

Psalmus 148.

Laudate Dominum de cœlis:* laudate
eum in excelsis.

Laudate eum omnes Angeli ejus:* lau-
date eum omnes virtutes ejus.

Laudate eum sol et luna:* laudate eum
omnes stellæ et lumen.

Laudate eum cœli cœlorum:* et aquæ
omnes, quæ super cœlos sunt, laudent no-
men Domini.

Quia ipse dixit, et facta sunt:* ipse man-
davit, et creata sunt.

Statuit ea in æternum, et in sæculum sæ-
culi:* præceptum posuit, et non præteribit.

Laudate Dominum de terra:* dracones,
et omnes abyssi.

Ignis, grando, nix, glacies, spiritus pro-
cellarum:* quæ faciunt verbum ejus.

Montes, et omnes colles:* ligna fructife-
ra, et omnes cedri:

Bestiæ et universa pecora:* serpentes, et
volucres pennatæ:

Reges terræ, et omnes populi:* princi-
pes, et omnes judices terræ.

Juvenes et virgines, senes cum junioribus

laudent nomen Domini,* quia exaltatum
est nomen ejus solius.

Confessio ejus super cœlum et terram:*
et exaltavit cornu populi sui.

Hymnus omnibus sanctis ejus:* filiis Is-
raël populo appropinquanti sibi.

Psalmus 149.

Cantate Domino canticum novum:* laus
ejus in Ecclesia sanctorum.

Lætetur Israël in eo, qui fecit eum:* et
filii Sion exultent in Rege suo.

Laudent nomen ejus in choro:* in tym-
pano et psalterio psallant ei.

Quia beneplacitum est Domino in popu-
lo suo:* et exaltabit mansuetos in salutem.

Exultabunt sancti in gloria:* lætabuntur
in cubilibus suis.

Exaltationes Dei in gutture eorum:* et
gladii ancipites in manibus eorum.

Ad faciendam vindictam in nationibus:*
increpationes in populis.

Ad alligandos reges eorum in compedi-
bus:* et nobiles eorum in manibus ferreis.

Ut faciant in eis iudicium conscriptum,*
gloria hæc est omnibus sanctis ejus.

Psalmus 150.

Laudate Dominum in sanctis ejus,* lau-
date eum in firmamento virtutis ejus.

Laudate eum in virtutibus ejus:* laudate

eum secundum multitudinem magnitudinis ejus.

Laudate eum in sono tubæ: * laudate eum in psalterio et cithara.

Laudate eum in tympano et choro: * laudate eum in cordis et organo.

Laudate enim in cymbalis benesonantibus: * laudate eum in cymbalis jubilationis: * omnis spiritus laudet Dominum.

Gloria Patri, etc.

Cum autem pervenerit ad Ecclesiam, dicatur.

Antiph. Hic accipiet.

Psalmus 23.

Domini est terra, et plenitudo ejus: * orbis terrarum, et universi, qui habitant in eo.

Quia ipse super maria fundavit eum: * et super flumina præparavit eum.

Quis ascendet in montem Domini? aut quis stabit in loco sancto ejus?

Innocens manibus, et mundo corde, * qui non accepit in vano animam suam nec juravit in dolo proximo suo.

Hic accipiet benedictionem a Domino, * et misericordiam a Deo salutari suo.

Hæc est generatio quærentium eum, * quærentium faciem Dei Jacob.

Attollite portas, principes, vestras, et

elevamini portæ æternales: * et introibit Rex gloriæ.

Quis est iste Rex gloriæ? * Dominus fortis et potens: Dominus potens in prælio.

Attollite portas, principes, vestras, et elevamini portæ æternales: et introibit Rex gloriæ.

Quis est iste Rex gloriæ? Dominus virtutum ipse est Rex gloriæ.

Gloria Patri, etc.

Antiph. Hic accipiet benedictionem a Domino; et misericordiam a Deo salutari suo: quia hæc est generatio quærentium Dominum.

Postea dicitur.

Kyrie eleison. Christe eleison. Kyrie eleison. Pater noster, *secreto.*

Interim corpus aspergit.

Ÿ. Et ne nos inducas in tentationem.

R. Sed libera nos a malo.

Ÿ. Me autem propter innocentiam suscepisti.

R. Et confirmasti me in conspectu tuo in ætremum.

Ÿ. Dominus vobiscum.

R. Et cum spiritu tuo.

Oremus.

Omnipotens, et mitissime Deus, qui omnibus parvulis renatis fonte baptismatis,

dum migrant a sæculo, sine ullis eorum meritis, vitam illico largiris æternam, sicut animæ hujus parvuli hodie credimus te fecisse: fac nos, quæsumus, Domine, per intercessionem beatæ Mariæ semper virginis et omnium Sanctorum tuorum, hic purificatis tibi mentibus famulari, et in paradiso cum beatis parvulis perenniter sociari. Per Christum Dominum nostrum.
 R̄. Amen.

Dum portatur ad tumulum, et etiamsi tunc non portetur dicitur:

Antiph. Juvenes.

Psalmus 116.

Laudate Dominum omnes gentes: * laudate eum omnes populi.

Quoniam confirmata est super nos misericordia ejus: * et veritas Domini manet in æternum.

Gloria Patri, etc.

Antiph. Juvenes et virgines; senes cum Junioribus laudent nomen Domini.

Kyrie eleison. Christe eleison. Kyrie eleison. Pater noster, *secreto.*

ŷ. Et ne nos inducas in tentationem.

R̄. Sed libera nos a malo.

ŷ. Sinite parvulos venire ad me.

R̄. Talium est enim regnum cœlorum.

ŷ. Dominus vobiscum.

R̄. Et cum spiritu tuo.

Oremus.

Omnipotens sempiterna Deus, sanctæ puritatis amator, et qui animam hujus parvuli ad cœlorum regnum hodie misericorditer vocare dignatus es, digneris etiam, Domine, ita nobiscum misericorditer agere, ut meritis tuæ sanctissimæ Passionis et intercessione beatæ Mariæ semper virginis, et omnium sanctorum tuorum, in eodem regno nos cum omnibus sanctis et electis tuis semper facias congaudere. Qui vivis et regnas etc.

Cum autem a sepultura revertuntur in Ecclesiam, seu sacristiam, dicatur:

Antiph. Benedicite.

Canticum trium puerorum. Dan. 34.

Benedicite omnia opera Domini Domino: * laudate et superexaltate eum in sæcula.

Benedicite Angeli Domini Domino: * benedicite cœli Domino.

Benedicite aquæ omnes, quæ super cœlos sunt, Domino: * benedicite omnes virtutes Domini Domino.

Benedicite sol et lune Domino: * benedicite stellæ cœli Domino.

Benedicite omnis imber et ros Domino: * benedicite omnis spiritus Dei Domino.

Benedicite ignis et ætus Domino: * benedicite frigus et ætus Domino.

Benedicite rores et pruina Domino:* benedicite gelu et frigus Domino.

Benedicite glacies et nives Domino:* benedicite noctes et Dies Domino.

Benedicite lux et tenebræ Domino:* benedicite fulgura et nubes Domino.

Benedicat terra Dominum:* laudet et superexaltet eum in sæcula.

Benedicite montes et colles Domino:* benedicite universa germinantia in terra Domino.

Benedicite fontes Domino:* benedicite moria et flumina Domino,

Benedicite cete, et omnia, quæ moventur in aquis, Domino:* benedicite omnes volucres cæli Domino.

Benedicite omnes bestię et pecora Domino:* benedicite filii hominum Domino.

Benedicat Israël Dominum:* laudet et superexaltet eum in secula.

Benedicite sacerdotes Domini Domino:* benedicite servi Domini Domino.

Benedicite spiritus et animæ justorum Domino:* benedicite sancti et humiles corde Domino.

Benedicite Anania, Azaria, Misaél Domino:* laudate et superexaltate eum in sæcula.

Benedicamus Patrem et Filium cum Sancto Spiritu:* laudemus et superexaltemus eum in sæcula.

Benedictus es, Domine, in firmamento cæli, et laudabilis et gloriosus et superexaltatus in sæcula.

Benedictus es, Domine, in firmamento cæli, et laudabilis et gloriosus et superexaltatus in sæcula.

Antiph. Benedicite Dominum omnes electi ejus, agite dies lætitiæ et confitemini illi.

Deinde ante altare dicit Sacerdos: Dominus vobiscum. *℟.* Et cum spiritu tuo.

Oremus.

Deus, qui miro ordine Angelorum ministeria hominumque dispensas: concede propitius, ut a quibus tibi ministrantibus in cælo semper assistitur, ab his in terra vita nostra muniatur. Per Christum Dominum nostrum. *℟.* Amen.

RITUS

CELEBRANDI MATRIMONII SACRAMENTUM

Parochus igitur Matrimonium celebraturus, publicationibus factis tribus diebus Festis, ut dictum est, si nullum obstet legitimum impedimentum, in Ecclesia superpellicea et alba stola indutus, adhibito uno saltem Clerico superpelliceo pariter induto, qui librum et vas aquæ benedictæ cum as-

persorio deferat, coram tribus aut duobus testibus, virum et mulierem, quos parentum vel propinquorum suorum præsentia coonestari decet, de consensu in Matrimonium interroget utrumque singillatim in hunc modum vulgari sermone.

N. vis accipere N. hic præsentem in tuam legitimam uxorem juxta ritum sanctæ Matris Ecclesiæ?

Respondeat Sponsus: Volo.

Mox Sacerdos sponsam interroget.

N. vis accipere N. hic præsentem in tuam legitimum maritum juxta ritum sanctæ Matris Ecclesiæ?

Respondeat Sponsa: Volo.

Nec sufficit consensus unius, sed debet esse amborum, et expressus aliquo signo sensibili, sive fiat per se, sive per procuratorem. Mutuo igitur contrahentium consensu intellecto, Sacerdos jubeat eos invicem jungere dexteras, dicens.

Ego conjungo vos in matrimonium. In nomine Patris ✠, et Filii, et Spiritus Sancti. Amen.

Vel aliis utatur verbis juxta receptum uniuscujusque Provinciæ ritum: postea eos aspergat aqua benedicta: mox benedicat annulum.

Benedictio Annuli.

ŷ. Adjutorium nostrum in nomine Domini.

℞. Qui fecit cœlum et terram.

ŷ. Domine, exaudi orationem meam.

℞. Et clamor meus ad te veniat.

ŷ. Dominus vobiscum.

℞. Et cum spiritu tuo.

Oremus.

Benedic ✠, Domine, annulum hunc, quem nos in tuo nomine benedicimus ✠, ut quæ eum gestaverit, fidelitatem integram suo sponso tenens, in pace, et voluntate tua permaneat, atque in mutua charitate semper vivat. Per Christum, etc.

Deinde Sacerdos aspergat annulum aqua benedicta in modum Crucis; et sponsus acceptum annulum de manu sacerdotis, imponit in digito annulari sinistræ manus sponsæ, sacerdote dicente:

In nomine Patris ✠, et Filii, et Spiritus Sancti. Amen.

Mox subjungat. ŷ. Confirma hoc Deus, quod operatus es in nobis.

℞. A templo sancto tuo, quod est in Jerusalem.

Kyrie eleison. Christe eleison. Kyrie eleison.

Pater noster, *secreto.*

- ŷ. Et ne nos inducas in tentationem.
- ℞. Sed libera nos a malo.
- ŷ. Salvos fac servos tuos.
- ℞. Deus meus sperantes in te.
- ŷ. Mitte eis, Domine, auxilium de sancto.
- ℞. Et de Sion tuere eos.
- ŷ. Esto eis, Domine, turris fortitudinis.
- ℞. A facie inimici.
- ŷ. Domine, exaudi orationem meam.
- ℞. Et clamor meus ad te veniat.
- ŷ. Dominus vobiscum.
- ℞. Et cum spiritu tuo.

Oremus.

Respice, quæsumus Domine, super hoc famulos tuos: et institutis tuis, quibus propagationem humani generis ordinasti, benignus assiste: ut qui te auctore junguntur, te auxiliante serventur: Per Christum Dominum nostrum. ℞. Amen.

His expletis, si benedicendæ sunt nuptiæ, Parochus Missam pro sponso et sponsa, ut in Missali Romano, celebret juxta decreta S. Sedis.

BENEDICTIO

MULIERIS POST PARTUM.

Si qua puerpera post partum juxta piam ac laudabilem consuetudinem ad Ecclesiam

venire voluerit pro incolumitate sua Deo gratias actura, petieritque a sacerdote benedictionem, ipse superpelliceo et stola alba indutus, cum ministro aspergillum deferente, ad fores ecclesiæ accedat, ubi illam genuflectentem, et candelam accensam in manu tenentem, aqua benedicta aspergat, deinde dicat:

ŷ. Adjutorium nostrum in nomine Domini.

℞. Qui fecit cælum et terram.

Antiph. Hæc accipiet.

Psalmus.

Domini est terra, et plenitudo ejus: * orbis terrarum, et universi qui habitant in eo.

Quia ipse super maria fundavit eum: * et super flumina præparavit eum.

Quis ascendet in montem Domini? * aut quis stabit in loco sancto ejus?

Innocens manibus et mundo corde, * qui non accepit in vano animam suam, nec juravit in dolo proximo suo.

Hic accipiet benedictionem a Domino: * et misericordiam a Deo salutari suo.

Hæc est generatio quærentium eum: * quærentium faciem Dei Jacob.

Attollite portas, principes, vestras, et elevamini portæ æternales: et introibit Rex gloriæ.

Quis est iste Rex gloriæ? * Dominus fortis, et potens, Dominus potens in prælio.

Attollite portas, principes, vestras, et elevamini portæ æternales: * et introibit Rex gloriæ.

Quis est iste Rex gloriæ? Dominus virtutum ipse est Rex gloriæ.

Gloria, Patri, et Filio, et Spiritui Sancto: etc.

Antiph. Hæc accipiet benedictionem a Domino, et misericordiam a Deo salutari suo: quia hæc est generatio quærentium Dominum.

Deinde porrigens ad manum mulieris extremam partem stolæ eam introducit in Ecclesiam, dicens:

Ingradere in templum Dei, adora Filium beatæ Mariæ Virginis, qui tibi fœcunditatem tribuit prolis.

Et ipsa ingressa genuflectit coram altari et orat, gratias agens Deo de beneficiis sibi collatis, et Sacerdos dicit:

Kyrie eleison. Christe eleison. Kyrie eleison. Pater noster, *secreto.*

ŷ. Et ne nos inducas etc.

℞. Sed libera nos a malo.

ŷ. Salvam fac ancillam tuam, Domine.

℞. Deus meus sperantem in te.

ŷ. Mitte ei, Domine, auxilium de Sancto.

℞. Et de Sion tuere eam.

ŷ. Nihil proficiat inimicus in ea.

℞. Et filius iniquitatis non apponat nocere ei.

ŷ. Domine, exaudi etc.

℞. Et clamor meus ad te veniat.

ŷ. Dominus vobiscum.

℞. Et cum spiritu tuo.

Oremus.

Omnipotens sempiterne Deus, qui per beatæ Mariæ Virginis partum fidelium patientium dolores in gaudium vertisti: respice propitius super hanc famulam tuam, ad templum sanctum tuum pro gratiarum actione lætam accedentem: et præsta, ut post hanc vitam ejusdem beatæ Mariæ meritis et intercessionem, ad æternæ beatitudinis gaudia cum prole sua pervenire mereatur. Per Christum Dominum nostrum. Amen.

Deinde illam aspergit iterum aqua benedicta in modum crucis, dicens:

Pax, et benedictio Dei Omnipotentis, Patris ✠, et Filii, et Spiritus Sancti descendat super te, et maneat semper. Amen.

BENEDICTIO

SALIS ET AQUÆ.

ŷ. Adjutorium nostrum in nomine Domini.

R. Qui fecit cœlum et terram.

Exorcizo te, creatura salis, per Deum ✠ vivum, per Deum ✠ verum, per Deum ✠ sanctum, per Deum, qui te per Eliseum Prophetam in aquam mitti jussit; ut sanaretur sterilitas aquæ: ut efficiaris sal exorcizatum in salutem credentium; et sis omnibus sumentibus te sanitas animæ et corporis, et effugiat atque discedat a loco in quo aspersum fueris, omnis phantasia et nequitia, vel versutia diabolicæ fraudis, omnisque spiritus immundus adjuratus per eum, qui venturus est judicare vivos et mortuos, et sæculum per ignem. R. Amen.

Oremus.

Immensam clementiam tuam, omnipotens æterne Deus, humiliter imploramus, ut hanc creaturam salis, quam in usum generis humani tribuisti, bene ✠ dicere et sancti ✠ ficare tua pietate digneris, ut sit omnibus sumentibus salus mentis et corporis: et quidquid ex eo tactum vel respersum fuerit, careat omni immunditia, omniq̄ impugnatione spiritualis nequitie. Per Christum, etc.

Benedictio aquæ.

Exorcizo te, creatura aquæ, in nomine Dei ✠ Patris Omnipotentis, in nomine Jesu ✠ Christi Filii ejus Domini nostri, et in

virtute Spiritus ✠ sancti, ut sis aqua exorcizata ad effugandam omnem potestatem inimici, et ipsum inimicum eradicare et explantare valeas, cum angelis suis apostaticis; virtute Domini nostri Jesu Christi, qui venturus est judicare vivos et mortuos, sæculum per ignem. R. Amen.

Oremus.

Deus, qui ad salutem humani generis maxima quæque sacramenta in aquarum substantia condidisti: adesto propitius invocationibus nostris, et elemento huic multimodis purificationibus præparato virtutem tuæ bene ✠ dictionis infunde, ut creatura tua mysteriis serviens ad abigendos dæmones, morbosque pellendos, divinæ gratiæ sumat effectum, ut quidquid in domibus, vel in locis fidelium hæc unda resperserit, careat omni immunditia, liberetur a noxa, non illic resideat spiritus pestilens, non aura corrumpens: discedant omnes insidiæ latentis inimici: et si quid est, quod aut incolumitati habitantium invidet, aut quieti, aspersiones hujus aquæ effugiat, ut salubritas per invocationem sancti tui Nominis expetita ab omnibus sit impugnationibus defensa. Per Dominum nostrum.

Hic admiscetur sal benedictum cum aqua in modum crucis ter.

Commixtio salis et aquæ pariter fiat in

nomine Pa ❖ tris, et Fi ❖ lli, et Spiritus
❖ Santi. R̄. Amen.

V. Dominus vobiscum.

R̄. Et cum spiritu tuo.

Oremus.

Deus invictæ virtutis auctor, et insuperabilis imperii Rex, ac semper magnificus triumphator, qui adversæ dominationis vires reprimis, qui inimici rugientis sævitiam superas, qui hostiles nequitias potenter expugnas, te, Domine, trementes et supplices deprecamur ac petimus, ut hanc creaturam salis et aquæ dignanter aspicias, benignus illustres, pietatis tuæ rore sanctifices, ut ubicumque fuerit aspersa, per invocationem sancti tui Nominis omnis infestatio immundi spiritus abigatur, terrorque venenosi serpentis procul pellatur: et præsentia sancti Spiritus nobis misericordiam tuam poscentibus ubique adesse dignetur. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus Sancti: etc.

LITANIÆ SANCTORUM

CUM PRECIBUS.

Kyrie eleison.
Christe eleison.

Kyrie eleison.

Christe, audi nos.

Christe, exaudi nos.

Pater de cœlis Deus, miserere nobis.

Fili Redemptor mundi Deus, miserere.

Spiritus Sancte Deus, miserere.

Sancta Trinitas unus Deus, miserere.

Sancta Maria, ora pro nobis

Sancta Dei Genitrix, ora.

Sancta Virgo virginum. ora.

Sancte Michael, ora.

Sancte Gabriel, ora.

Sancte Raphaël, ora pro nobis.

Omnes sancti Angeli et Archangeli, orate.

Omnes sancti Beatorum Spirituum

ordines, orate.

Sancte Joannes Baptista, ora.

Sancte Joseph, ora.

Omnes sancti Patriarchæ et Prophetæ, orate.

Sancte Petre, ora.

Sancte Paule, ora.

Sancte Andrea, ora.

Sancte Jacobe, ora.

Sanctæ Joannes, ora.

Sancte Thoma, ora.

Sanete Jacobe, ora.

Sancte Philippe, ora.

Sancte Bartholomee, ora.

Sancte Matthæ, ora.

Sancte Simon, ora.

Sancte Thadæe, ora.

Sancte Matthia,	ora.
Sancte Barnaba,	ora.
Sancte Luca,	ora.
Sancte Marce,	ora.
Omnes sancti Apostoli et Evange-	
listæ,	orate.
Omnes sancti Discipuli Domini,	orate.
Omnes sancti Innocentes.	orate.
Sancte Stephane,	ora.
Sancte Laurenti,	ora.
Sancte Vincenti,	ora.
Sancti Fabiane, et Sebastiane,	orate.
Sancti Joannes et Paule,	orate.
Sancti Cosma, et Damiane,	orate.
Sancti Gervasi et Protasi,	orate.
Omnes sancti Martyres,	orate.
Sancte Sylvester,	ora.
Sancte Gregori,	ora.
Sancte Ambrosi,	ora.
Sancte Augustine,	ora.
Sancte Hieronymine,	ora.
Sancte Martine,	ora.
Sancte Nicolae,	ora.
Omnes sancti Pontifices et Con-	
fessores.	orate.
Omnes sancti Doctores,	orate.
Sancte Antoni,	ora.
Sancte Benedicte,	ora.
Sancte Bernarde,	ora.
Sancte Dominice,	ora.
Sancte Francisce,	ora.

Omnes sancti Sacerdotes et Levitæ,	orate.
Omnes sancti Monachi et Eremitæ,	orate.
Sancta Maria Magdalena,	ora.
Sancta Agatha,	ora.
Sancta Lucia,	ora.
Sancta Agnes,	ora.
Sancta Cæcilia,	ora.
Sancta Catharina,	ora.
Sancta Anasthasia,	ora.
Omnes sanctæ Virgines et Viduæ,	orate.
Omnes Sancti et Sanctæ Dei, intercedite	
pro nobis.	
Propitius esto,	Parce nobis, Domine.
Propitius esto,	Exaudi nos, Domine.
Ab omni malo,	Libera nos, Domine.
Ab omni peccato,	libera.
Ab ira tua,	libera.
Ab imminentibus periculis,	libera.
A peste, fame, et bello,	libera.
A flagello terræmotus,	libera.
A subitanea et improvisa morte,	libera.
Ab insidiis diaboli,	libera.
Ab ira et odio, et omni mala vo-	
luntate,	libera.
A spiritu fornicationis,	libera.
A fulgure et tempestate,	libera.
A morte perpetua,	libera.
Per mysterium sanctæ incarnatio-	
nis tuæ,	libera.
Per adventum tuum,	libera.
Per nativitatem tuam,	libera.

Per baptismum et sanctum jejunium tuum, libera.
 Per crucem et passionem tuam, libera.
 Per mortem et sepulturam tuam, libera.
 Per sanctam resurrectionem tuam, libera.
 Per admirabilem ascensionem tuam, libera.
 Per adventum Spiritus sancti Paracliti, libera.
 In die judicii, libera.
 Peccatores, te rogamus audi nos.
 Ut nobis parcas, te rogamus.
 Ut nobis indulgeas, te rogamus audi nos.
 Ut ad veram poenitentiam nos perducere digneris, te rogamus.
 Ut Ecclesiam tuam sanctam regere et conservare digneris, te rogamus.
 Ut domum Apostolicum et omnes Ecclesiasticos ordines in sancta religione conservare digneris, te rogamus.
 Ut inimicos sanctæ Ecclesiæ humiliare digneris, te rogamus.
 Ut omnium inimicorum nostrorum conatus reprimere et ad nihilum redigere digneris, te rogamus.
 Ut Regibus et Principibus Christianis pacem et veram concordiam donare digneris, te rogamus.
 Ut cuncto populo Christiano pacem et unitatem largiri digneris, te rogamus.

Ut nosmetipsos in tuo sancto servitio confortare et conservare digneris, te rogamus.
 Ut mentes nostras ad cœlestia desideria erigas, te rogamus.
 Ut omnibus benefactoribus nostris sempiterna bona retribuas, te rogamus.
 Ut animas nostras, fratrum propinquorum, et benefactorum nostrorum ab æterna damnatione eripias, te rogamus.
 Ut fructus terræ dare et conservare digneris, te rogamus.
 Ut omnibus fidelibus defunctis requiem æternam donare digneris, te rogamus.
 Ut nos exaudire digneris, te rogamus.
 Fili Dei, te rogamus.
 Agnus Dei, qui tollis peccata mundi, parce nobis Domine.
 Agnus Dei, qui tollis peccata mundi, exaudi nos Domine.
 Agnus Dei, qui tollis peccata mundi, miserere nobis.
 Christe audi nos. Christe exaudi nos.
 Kyrie eleison. Christe eleison.
 Kyrie eleison. Pater noster, *secreto*.
 V. Et ne nos inducas in tentationem.
 R. Sed libera nos a malo.

Deus, in adiutorium meum intende: * Domine, ad adjuvandum me festina,

Confundantur, et reveantur, * qui quæ-
runt animam meam.

Avertantur retrorsum, et erubescant, *
qui volunt mihi mala.

Avertantur statim erubescentes, * qui
dicunt mihi: euge, euge.

Exultent, et lætentur in te omnes, qui
quærent te, * et dicant semper: magnifice-
tur Dominus, qui diligit salutare tuum.

Ego vero egenus, et pauper sum: * Deus
adjuva me.

Adjutor meus, et liberator meus es tu: *
Domine ne moreris.

Gloria Patri, etc.

Ÿ. Salvos fac servos tuos.

Ŕ. Deus meus sperantes in te.

Ÿ. Esto nobis, Domine, turris fortitudinis.

Ŕ. A facie inimici.

Ÿ. Nihil proficiat inimicus in nobis.

Ŕ. Et filius iniquitatis non apponat nocere nobis.

Ÿ. Domine, non secundum peccata nostra facias nobis.

Ŕ. Neque secundum iniquitates nostras retribuas nobis.

Ÿ. Oremus Pro Pontifice nostro N.

Ŕ. Dominus censervet eum, et vivificet

— 75 —
eum, et beatum faciat eum in terra, et non tradat eum in animam inimicorum ejus.

Ÿ. Oremus pro benefactoribus nostris.

Ŕ. Retribuere dignare, Domine, omnibus nobis bona facientibus propter nomen tuum vitam æternam. Amen.

Ÿ. Oremus pro fidelibus defunctis.

Ŕ. Requiem æternam dona eis, Domine; et lux perpetua luceat ejus.

Ÿ. Requiescant in pace. Ŕ. Amen.

Ÿ. Pro fratribus nostris absentibus.

Ŕ. Salvos fac servos tuos, Deus meus sperantes in te.

Ÿ. Mitte eis, Domine, auxilium de sancto.

Ŕ. Et de Sion tuere eos.

Ÿ. Domine exaudi orationem meam.

Ŕ. Et clamor meus ad te veniat.

Ÿ. Dominus vobiscum. Ŕ. Et cum Spiritu tuo.

*Pro remissione peccatorum.
Oremus.*

Deus, cui proprium est miserere semper et parcere, suscipe deprecationem nostram: ut nos, et omnes famulos tuos, quos delictorum catena constringit, miseratio tua pietatis clementer absolvat.

Exaudi, quæsumus Domine, supplicum preces, et coasitentium tibi parce peccatis, ut pariter nobis indulgentiam tribuas benignus, et pacem.

Ineffabilem nobis, Domine, misericordiam tuam clementer ostende; ut simul nos et a peccatis omnibus exuas, et a pœnis, quas pro his meremur, eripias.

Deus, qui culpa offenderis, pœnitentia placaris, preces populi tui supplicantis propitius respice, flagella tuæ iracundiæ, quæ pro peccatis noctris meremur, averte.

Pro Papa.

Omnipotens sempiternæ Deus, miserere famulo tuo Pontifici nostro N., et dirige eum secundum tuam clementiam in viam salutis æternæ; ut te donante, tibi placita cupiat, et tota virtute perficiat.

Pro pace.

Deus, a quo sancta desideria, recta concilia, et justa sunt opera: da servis tuis illam, quam mundus dare non potest, pacem: ut et corda nostra mandatis tuis dedita, et hostium sublata formidine, tempora sint tua protectione tranquilla.

Pro castitate.

Ure igne Sancti Spiritus renes nostros, et cor nostrum, Domine: ut tibi casto corpore serviamus, ut mundo corde placeamus.

Pro Defunctis.

Fidelium Deus, omnium Conditor, et Redemptor, animabus famulorum famularumque tuarum remissionem cunctorum

tribue peccatorum: ut indulgentiam, quam semper optaverunt, piis supplicationibus consequantur.

Pro impetrando divino auxilio in omni actione.

Actiones nostras, quæsumus, Domine, aspirando præveni, et adjuvando prosequere: ut cuncta nostra oratio et operatio a te semper incipiat, et per te cæpta finiatur.

Pro omnibus Fidelibus vivis et defunctis.

Omnipotens, sempiternæ Deus, qui vivorum dominaris, simul et mortuorum, omniumque misereris, quos tuos fide et opere futuros esse prænoscis: te supplices exoramus, ut pro quibus effundere preces decrevimus, quosque vel præsens sæculum adhuc in carne retinet, vel futurum jam exutos corpore suscepit, intercedentibus omnibus Sanctis tuis, pietatis tuæ clementia, omnium delictorum suorum veniam consequantur. Per Dominum nostrum.

Ÿ. Domine, exaudi orationem meam.

Ŕ. Et clamor meus ad te veniat.

Ÿ. Exaudi nos omnipotens et misericors Dominus. Ŕ. Amen.

Ÿ. Fidelium animæ per misericordiam Dei requiescant in pace. Ŕ. Amen.

In solemnitatibus 40 Horarum, post Ÿ. Mitte eis, etc., et Ŕ. Et de Sion, etc., ut in asterisco, relicta reliqua, dicitur ut sequitur.*

Ÿ. Panem de cœlo præstitisti eis.

℞. Omne delectamentum in se habentem.

Ÿ. Ora pro nobis, sancta Dei Genitrix.

℞. Ut digni efficiamur promissionibus Christi.

Ÿ. Domine, exaudi orationem meam.

℞. Et clamor meus ad te veniat.

✠. Dominus vobiscum.

℞. Et cum spiritu tuo.

Oremus.

Prima oratio de Sacramento.

Deus, qui nobis sub Sacramento mirabili, passionis tuæ memoriam reliquisti: tribue quæsumus, ita nos corporis et sanguinis tui sacra mysteria venerari, ut redemptionis tuæ fructum in nobis jugiter sentiamus.

Secunda de B. Maria. In Adventu.

Deus, qui de Beatæ Mariæ Virginis utero, Verbum tuum, Angelo nuntiante, carnem suscipere voluisti: præsta supplicibus tuis, ut qui verè eam Genitricem Dei credimus, ejus apud te intercessionibus adjuvemur.

A Nativitate ad Purificationem.

Deus, qui salutis æternæ, Beatæ Mariæ Virginitate fecunda humano generi præmia præstitisti: tribue, quæsumus; ut ipsam pro nobis intercedere sentiamus, per quam

meruimus auctorem vitæ suscipere Dominum nostrum Jesum Christum filium tuum.

A Purificatione usque ad Adventum.

Concede nos famulos tuos, quæsumus Domine Deus, perpetua mentis et corporis sanitate gaudere; et gloriosa Beatæ Mariæ semper Virginis intercessione, a præsentī liberari tristitia, et æterna perfrui lætitia.

Tertia pro Papa.

Omnipotens sempiterne Deus, miserere famulo tuo Pontifici nostro N. et dirige eum secundum tuam clementiam in viam salutis æternæ: ut, te donante, tibi placita cupiat, et tota virtute perficiat.

Quarta pro quacumque necessitate.

Deus refugium nostrum et virtus: adesto piis Ecclesiæ tuæ precibus auctor ipse pietatis et præsta; ut quod fideliter petimus, efficaciter consequamur.

Quinta contra quoslibet inimicos.

Omnipotens sempiterne Deus, in cujus manu sunt omnium potestates, et omnium jura regnorum, respice in auxilium Christianorum: ut gentes hæreticorum, et inimicorum omnium, quæ in sua feritate confidunt, dexteræ tuæ potentia conterantur.

Sexta et ultima pro vivis, et defunctis.

Omnipotens sempiterne Deus, qui vivorum dominaris simul et mortuorum, omniumque misereris, quos tuos fide et opere futuros esse prænoscis: Te supplices exoramus; ut pro quibus effundere præces deprecavimus, quosque vel præsens sæculum adhuc in carne retinet, vel futurum jam exutos corpore suscepit, intercedentibus omnibus sanctis tuis, pietatis tuæ clementia omnium delictorum suorum veniam consequantur. Per Dominum nostrum Jesum Christum filium tuum, qui tecum vivit et regnat in unitate Spiritus Sancti Deus per omnia sæcula sæculorum. R. Amen.

V. Dominus vobiscum.

R. Et cum spiritu tuo.

V. Exaudiat nos omnipotens et misericors Dominus. R. Amen.

V. Fidelium animæ per misericordiam Dei requiescant in pace. R. Ament

FORMULA

APPLICANDI BENEDICTIONEM APOSTOLICAM
CUM INDULGENTIA PLENARIA, AB IIS QUI FACUL-
TATIBUS SANCTÆ SEDIS HABUERINT.

V. Adjutorium nostrum in nomine Do-
mini.

R. Qui fecit cælum et terram.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

Omnipotens et misericors Deus, da nobis auxilium de Sancto, et vota populi hujus in humilitate cordis veniam peccatorum poscentis, tamque benedictionem præstolantis et gratiam, clementer exaudi: dexteram tuam super eum benignus extende, ac plenitudinem divinæ benedictionis effunde, quæ bonis omnibus cumulatus, felicitatem et vitam consequatur æternam. Per Christum Dominum nostrum. R. Amen.

Deinde, in cornu Epistolæ dat benedictionem cum Crucifixo, dicens:

Benedicat vos Omnipotens Deus; Pater, ☩
et Filius, et Sp̄ritus Sanctus. Amen.

PRÆPARATIO AD MISSAM

PRO OPPORTUNITATE SACERDOTIS FACIENDA.

Antiphona.

Ne reminiscaris, etc. *In Duplicibus tantum duplicatur, et pariter ante eas Missas quæ ritu Duplici celebrantur, (hoc est) cum*

unica Oratione, sive sit votiva pro re gravi, sive pro defunctis (quamquam pro Defunctis omitti possunt Antiphona et Psalmi) et Tempore Paschali additur Alleluia.

Psalmus 83.

Quam dilecta tabernacula tua, Domine virtutum: * concupiscit, et deficit anima mea in atria Domini.

Cor meum, et caro mea: * exultaverunt in Deum vivum.

Etenim passer invenit sibi domum, * et turtur nidum sibi, ubi ponat pullos suos.

Altaria tua Domine virtutum: * Rex meus, et Deus meus.

Beati qui habitant in domo tua, Domine: * in sæcula sæculorum laudabunt te.

Beatus vir, cujus est auxilium abs te: * ascensiones in corde suo disposuit, in valle lacrymarum, in loco quem posuit.

Etenim benedictionem dabit legislator, ibunt de virtute in virtutem: * videbitur Deus deorum in Sion.

Domine Deus virtutum exaudi orationem meam: * auribus percipe Deus Jacob.

Protector noster aspice Deus: * et respice in faciem Christi tui.

Quia melior est dies una in atriis tuis: * super millia.

Elegi abjectus esse in domo Dei mei: *

magis quam habitare in tabernaculis peccatorum.

Quia misericordiam, et veritatem diligit Deus: * gratiam et gloriam dabit Dominus.

Non privabit bonis eos, qui ambulant in innocentia: * Domine virtutum, beatus homo, qui sperat in te.

Gloria Patri, et Filio, * et Spiritui sancto.

Sicut erat in principio, et nunc, et semper: * et in sæcula sæculorum. Amen.

Psalmus 84.

Benedixisti, Domine, terram tuam: * avertisti captivitatem Jacob.

Remisisti iniquitatem plebis tuæ: * operuisti omnia peccata eorum.

Mitigasti omnem iram tuam: * avertisti ab ira indignationis tuæ.

Converte nos Deus salutaris noster: * et averte iram tuam a nobis.

Numquid in æternum irasceris nobis? * aut extends iram tuam a generatione in generationem?

Deus tu conversus vivificabis nos: * et plebs tua lætabitur in te.

Ostende nobis, Domine, misericordiam tuam: * et salutare tuum da nobis.

Audiam quid loquatur in me, Dominus Deus: * quoniam loquetur pacem in plebem suam.

Et super sanctos suos,* et in eos qui convertentur ad cor.

Veruntamen propè timentes eum salutare ipsius:* ut inhabitet gloria in terra nostra.

Misericordia ut veritas obviaverunt sibi:*
justitia et pax osculatæ sunt.

Veritas de terra orta est:* et justitia de cælo prospexit.

Etenim Dominus dabit benignitatem:*
et terra nostra dabit fructum suum.

Justitia ante eum ambulabit,* et ponet in via gressus suos.

Gloria Patri, etc. Sicut erat, etc.

Psalmus 85.

Inclina, Domine, aurem tuam, et exaudi me:* quoniam inops et pauper sum ego.

Custodi animam meam, quoniam sanctus sum:* salvum fac servum tuum, Deus meus, sperantem in te.

Miserere mei, Domine, quoniam ad te clamavi tota die:* lætifica animam servi tui, quoniam ad te, Domine, animam meam levavi.

Quoniam tu Domine, suavis et mitis:* et multæ misericordiæ omnibus invocantibus te.

Auribus percipe Domine orationem meam:* et intende voci deprecationis meæ.

In die tribulationis meæ clamavi ad te,* quia exaudisti me.

Non est similis tui in diis, Domine:* et non est secundum opera tua.

Omnes gentes quascumque fecisti, venient, et adorabunt coram te, Domine,* et glorificabunt nomen tuum.

Quoniam magnus es tu, et faciens mirabilia:* tu es Deus solus.

Deduc me, Domine, in via tua, et ingrediar in veritate tua:* lætetur cor meum ut timeat nomen tuum.

Confitebor tibi, Domine Deus meus, in toto corde meo:* et glorificabo nomen tuum in æternum.

Quia misericordia tua magna est super me:* et eruisti animam meam ex inferno inferiori.

Deus, iniqui insurrexerunt super me, et synagoga potentium quæsierunt animam meam:* et non proposuerunt te in conspectu suo.

Et tu, Domine, Deus miserator et misericors:* patiens, et multæ misericordiæ, et verax.

Respice in me, et miserere mei:* da imperium tuum puero tuo, et salvum fac filium ancillæ tuæ.

Fac mecum signum in bonum, ut videant qui oderunt me, et confundantur:* quoniam tu, Domine, adjuvisti me, et consolatus es me.

Gloria Patri, etc. Sicut erat, etc.

Psalmus 115.

Credidi propter quod locutus sum:* ego autem humiliatus sum nimis.

Ego dixi in excessu meo:* omnis homo mendax.

Quid retribuam Domino:* pro omnibus quæ retribuit mihi?

Calicem salutaris accipiam:* et nomen Domini invocabo.

Vota mea Domino reddam coram omni populo ejus:* pretiosa in conspectu Domini mors sanctorum ejus.

O Domine, quia ego servus tuus:* ego servus tuus, et filius ancillæ tuæ.

Dirupisti vincula mea:* tibi sacrificabo hostiam laudis: et nomen Domini invocabo.

Vota mea Domino reddam in conspectu omnis populi ejus:* in atriis domus Domini, in medio tui Jerusalem.

Gloria Patri, etc. Sicut erat, etc.

Psalmus 129.

De profundis clamavi ad te, Domine:* Domine, exaudi vocem meam.

Fiant aures tuæ intendentes:* in vocem deprecationis meæ.

Si iniquitates observaveris, Domine:* Domine, quis sustinebit?

Quia apud te propitiatio est:* et propter legem tuam sustinui te Domine.

Sustinuit anima mea in verbo ejus:* speravit anima mea in Domino.

A custodia matutina usque ad noctem:* speret Israël in Domino.

Quia apud Dominum misericordia:* et copiosa apud eum redemptio.

Et ipse redimet Israël:* ex omnibus iniquitatibus ejus.

Gloria Patri, etc. Sicut erat, etc

Deinde repetitur Antiphona: Ne reminiscaris, Domine, delicta nostra, vel parentum nostrorum: neque vindictam sumas de peccatis nostris.

Posteà Sacerdos dicit: Kyrie eleison. Christe eleison. Kyrie eleison. Pater noster. ŷ. Et ne nos inducas in tentationem. R̄. Sed libera nos a malo. ŷ. Ego dixi Domine miserere mei. R̄. Sana animam meam, quia peccavi tibi. ŷ. Convertere, Domine, aliquantulum. R̄. Et deprecare super servos tuos. ŷ. Fiat misericordia tua Domine super nos. R̄. Quemadmodum speravimus in te. ŷ. Sacerdotes tui induantur justitiam. R̄. Et sancti tui exultent. ŷ. Ab occultis meis munda me, Domine. R̄. Et ab alienis parce servo tuo. ŷ. Domine, exaudi orationem meam. R̄. Et clamor meus ad te veniat. ŷ. Dominus vobiscum. R̄. Et cum spiritu tuo.

Oremus.

Aures tuæ pietatis, mitissime Deus, in-

clina precibus nostris, et gratia sancti Spiritus illumina cor nostrum: ut tuis mysteriis dignè ministrare, teque æterna charitate diligere mereamur.

Deus, cui omne cor patet, et omnis voluntas loquitur, et quem nullum latet secretum, purifica per infusionem sancti Spiritus cogitationes cordis nostri, ut te perfectè diligere, et dignè laudare mereamur.

Ure igne sancti Spiritus renes nostros et cor nostrum, Domine: ut tibi casto corpore serviamus, et mundo corde placeamus.

Mentes nostras, quæsumus, Domine, Paraclitus qui a te procedit illuminet, et inducat in omnem, sicut tuus promissit Filius, veritatem.

Adsit nobis, quæsumus, Domine, virtus Spiritus sancti, quæ et corda nostra clementer expurget, et ab omnibus tueatur adversis.

Deus, qui corda fidelium sancti Spiritus illustratione docuisti: da nobis in eodem Spiritu recta sâpere, et de ejus semper consolatione gaudere.

Conscientias nostras, quæsumus, Domine, visitando purifica: ut veniens Dominus noster Jesus Christus Filius tuus, paratam sibi in nobis inveniatur mansionem. Qui tecum vivit et regnat in unitate Spiritus sancti Deus, per omnia sæcula sæculorum. Amen.

FORMA INTENTIONIS.

Ad laudem et gloriam Sanctissimæ Trinitatis, in memoriam Salvatoris nostri Jesu Christi vitæ, passionis, mortis, ac resurrectionis, ac in operum, et meritorum suorum, omniumque Sanctorum unionem. Ad laudem quoque et exaltationem beatissimæ Virginis Mariæ, cœlestium Angelorum, Sanctorum, atque Sanctarum, et signanter NN. et aliorum Sanctorum. Offero etiam cum ipsorum beatorum Spirituum laudibus Sanctorumque omnium precibus et meritis, nunc et semper, hoc et omnia alia sacrificia, officia, orationes, et bona opera totius mundi, pro meis præsentibus et futuris animæ et corporis necessitatibus, in auxilium et consolationem meam, et in remissionem omnium peccatorum meorum, quorum veram contritionem semper habere intendo, conor, et cupio: omniumque vivorum et defunctorum, meorum parentum et consanguineorum, amicorum, inimicorum, benefactorum in spiritualibus et temporalibus, ac illorum, quibus fui gravamen, scandalum et occasio peccandi: pro omni gradu sanctæ Catholicæ Ecclesiæ, ac illius conservatione, augmento et exaltatione, Christianorum Principum unione, Hæresum extirpatione, Summi

Pontificis salute, (Regis nostri Catholici incolumitate) et animarum in Purgatorio existentium liberatione. Pro conservatione et incremento omnium Religionum, pro conversione omnium infidelium. Pro mihi commissis et commendatis. Denique pro illis omnibus vivis, atque defunctis, pro quibus Dominus noster Jesus Christus, et ejus Mater sciunt et volunt me debere orare, et sacrificare. Sic oro, obsecro, ac orare, obsecrare, sacrificare intendo, ac propono, ac juxta intentionem sanctæ Catholicæ Ecclesiæ, ego N. Minister, licet indignus. In nomine Patris, et Filii et Spiritus sancti. Amen.

Pater noster, Ave Maria.

Gregorius XIII Pontif. Max. concessit Indulgentias 50 dierum cuilibet celebranti Missam et dicenti quæ sequuntur.

Ego volo celebrare Missam, et conficere Corpus et Sanguinem Domini nostri Jesu Christi, juxta ritum sanctæ Romanæ Ecclesiæ: ad laudem omnipotentis Dei, totiusque curiæ triumphantis, ad utilitatem meam, totiusque curiæ militantis et patientis, pro omnibus, qui se commendaverunt orationibus meis in genere, et specie, et pro felici statu sanctæ Romanæ Ecclesiæ. Amen.

Gaudium cum pace, emendationem vitæ, spatium veræ pœnitentiæ, gratiam et con-

solationem sancti Spiritus, perseverantiam in bonis operibus, tribuat nobis omnipotens et misericors Dominus. Amen.

QUINQUE PUNCTA ANTE VEL POST
MISSAM FACIENDA.

1. Detestor et abominor omnia et singula peccata mea, et omnium aliorum commissa ab initio mundi usque ad hanc horam, et deinceps usque ad finem mundi committenda; et si possem, impedirem per gratiam Dei, quam ideo supplex invoco.

2. Laudo et approbo omnia bona opera, facta a principio mundi usque in hanc horam, et deinceps usque in finem mundi facienda; et si possem, ea multiplicarem per gratiam Dei, quam supplex invoco.

3. Intendo omnia facere, dicere et cogitare ad majorem Dei gloriam, cum omnibus illis bonis intentionibus, quas Sancti umquam habuerunt, vel habebunt, vel habere possunt.

4. Ignosco et dimitto ex toto corde meo omnibus inimicis meis, omnibus me calumniantibus, omnibus mihi detrahentibus, omnibus quocumque modo mihi nocentibus, vel volentibus mala.

5. Utinam omnes homines salvare possem moriendo pro singulis! libenter id facerem per gratiam Dei, quam propterea

suppliciter imploro, et sine qua nihil possum.

Oratio S. Thomæ Aquinatis.

Omnipotens sempiterne Deus, ecce accedo ad Sacramentum unigeniti Filii tui Domini nostri Jesu Christi: accedo tamquam infirmus ad medicum vitæ, immundus ad fontem misericordiæ, cæcus ad lumen claritatis æternæ, pauper et egenus ad Dominum cæli et terræ. Rogo ergo immensæ largitatis tuæ abundantiam, quatenus meam curare digneris infirmitatem, lavare fœditatem, illuminare cæcitatem, ditare paupertatem, vestire nuditatem: ut panem Angelorum, Regem regum, et Dominum dominantium, tanta suscipiam reverentia et humilitate, tanta contritione et devotione, tanta puritate et fide, tali proposito et intentione, sicut expedit salutis animæ meæ. Da mihi, quæso, dominici corporis et sanguinis, non solum suscipere Sacramentum, sed etiam rem et virtutem Sacramenti. O mitissime Deus, da mihi corpus unigeniti Filii tui Domini nostri Jesu Christi, quod traxit de Virgine Maria, sic suscipere, ut corpori suo mystico merear incorporari, et inter ejus membra connumerari. O amantissime Pater, concede mihi dilectum Filium tuum, quem nunc velatum in via suscipere propono, revelata tandem facie per-

petuo contemplari. Qui tecum vivit et regnat in unitate Spiritus sancti Deus, per omnia sæcula sæculorum. Amen.

Oratio ad B. Mariam V.

O Mater pietatis et misericordiæ, beatissima virgo Maria, ego miser et indignus peccator ad te confugio toto corde et affectu, et precor dulcissimam pietatem tuam, ut sicut dulcissimo Filio tuo in cruce pendenti adstitisti: ita et mihi misero Sacerdoti, et Sacerdotibus omnibus hic, et in tota sancta Ecclesia ipsum hodie offerentibus, clementer assistere digneria, ut tua gratia adjuti, dignum et acceptabilem hostiam in conspectu summæ et individue Trinitatis offerre valeamus. Amen.

Oratio ad S. Joseph.

O beatissime Joseph, quanta tibi a Deo concessa est gratia, quod unigenitum ejus Filium in carne, quem tot reges videre frustra exoptarunt, non tantum videris, sed et brachiis paterno affectu amplexus fueris! Utinam ego hoc tuo exemplo inflammatus, et patrocinio adjutus, Dominum ac Redemptorem meum Christum Jesum similis amoris ac reverentiæ affectu amplectar in sanctissimo altaris Sacramento, quò merear eundem posthac æternum complecti in cælis. Amen.

*Ad Sanctum, vel Sanctam, cujus eo die
Festum celebratur.*

Oratio.

O Sancte N. vel Sancta N.: ecce ego miser peccator de tuis meritis confusus, offero nunc sacratissimum Sacramentum Corporis et Sanguinis Domini nostri Jesu Christi pro tuo honore et gloria: precor te humiliter ac devote, ut pro me hodie intercedere digneris, ut tantum sacrificium digne et acceptabiliter offerre valeam, et eum tecum et cum omnibus electis ejus æternaliter laudare, et cum eo regnare valeam. Amen.

Beda de Venerabili Eucharistiæ Sacramento

Sacerdos non legitime impeditus, celebrare omittens, quantum in eo est; I. Privat Sanctam Trinitatem laude et gloria. II. Angelos lætitia. III. Peccatores venia. IV. Justos subsidio et gratia. V. In purgatorio existentes refrigerio. VI. Ecclesiam spirituali Christi beneficio. VII. Et seipsum medicina et remedio.

GRATIARUM ACTIONES

POST MISSAM.

Antiphona. Trium puerorum, in duplicibus dicitur integra.

Canticum trium puerorum.

Benedicite omnia opera Domini Domino, ut in p. 57.

Psalmus 150.

Laudate Dominum in sanctis ejus, ut in p. 53.

Gloria Patri, etc.

Antiphona. Trium puerorum cantemus Hymnum quem cantabant sancti in camino ignis, benedicentes Dominum.

Tempore Paschali additur. Alleluia.

Kyrie eleison. Christe eleison. Kyrie eleison. Pater noster. V. Et ne nos inducas in tentationem. R. Sed libera nos a malo V. Confiteantur tibi, Domine, omnia opera tua. R. Et Sancti tui benedicant tibi. V. Exultabunt sancti in gloria. R. Lætabuntur in cubilibus suis. V. Non nobis, Domine, non nobis. R. Sed nomini tuo da gloriam. V. Domine, exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo.

Oremus.

Deus, qui tribus pueris mitigasti flammam ignium: concede propitius, ut nos famulos tuos non exurat flamma vitiorum.

Actiones nostras, quæsumus, Domine, aspirando præveni, et adjuvando prose-

quere: ut cuncta nostra oratio et operatio a te semper incipiat, et per te cœpta finiatur.

Da nobis, quæsumus, Domine, vitiorum nostrorum flammam extinguere, qui beato Laurentio tribuisti tormentorum suorum incendia superare. Per Christum Dominum nostrum. Amen.

Oratio sancti Thomæ Aquinatis.

Gratias tibi ago, Domine sancte, Pater omnipotens, æterne Deus, qui me peccatorem indignum famulum tuum, nullis meis meritis, sed sola dignatione misericordię tuæ satiare dignatus es pretioso corpore et sanguine Filii tui Domini nostri Jesu Christi. Et precor, ut hæc sancta Communio non sit mihi reatus ad pœnam, sed intercessio salutaris ad veniam. Sit mihi armatura fidei, et scutum bonæ voluntatis. Sit vitiorum meorum evacuatio, concupiscentiæ et libidinis exterminatio, charitatis et patientiæ, humilitatis et obedientiæ, omniumque virtutum augmentatio contra insidias inimicorum omnium, tam visibilibium, quam invisibilibium, firma defensio, motuum meorum tam carnalium, quam spiritualium perfecta quietatio: in te uno ac vero Deo firma adhesio, atque finis mei felix consummatio. Et precor te, ut ad illud ineffabile convivium me peccatorem perducere digneris, ubi tu cum Filio et Spiritu

sancto, sanctis tuis es lux vera, satiety plena, gaudium sempiternum, jucunditas consummata, et felicitas perfecta. Per eundem Christum Dominum nostrum. Amen.

Oratio dicenda post Missam.

Omnipotens sempiterne Deus, conservator animarum, mundique Redemptor, me famulum tuum ante majestatem tuam prostratum benignissime respice, et sacrificium quod in honore nominis tui pro salute fidelium, tam vivorum quam etiam defunctorum, et pro peccatis et offensionibus meis obtuli, piissime respice, iram tuam a me remove, gratiam et misericordiam mihi concede, januam paradisi mihi pande, ab omnibus malis me potenter eripe, et quidquid proprio commisi reatu, clementer indulge. Sic in hoc sæculo in præceptis tuis fac me perseverare, ut dignus electorum, gregi copulari efficiar, te præstante, Deus meus, cujus nomen benedictum, honor, atque regnum permanet in sæcula sæculorum. Amen.

Rhythmus

S. Thomæ ad Sacram Eucharistiam.

Adoro te devôte, latens Déitus, quæ sub his figuris vere latitas: tibi se cor meum tuum subjicit, quia te contempans totum deficit.

Visus, tactus, gustus in te fállitur, sed auditu solo tuto créditur: credo quidquid disit Dei Filius, nil hoc verbo Veritatis vérius.

In eruce latébat sola Déitas, at hic latet simul et humánitas: ambo tamen credens atque cónfítens, peto quod petivit latro pœnitens.

Plagas, aicut Thomas, non intúeor, Deum tamen meum te confiteor: fac mé tibi semper magis crédere, in te spem habére, te dilígere.

O memoriale mortis Dómini, panis vivus, vitam præstans hómini: præsta meæ menti de te vivere, et te illi semper dulce sápere.

Pie pellicánë, Jesu Domine, me inmúndum munda tno Ságuine: cujus una stilla salvum fácere totum mundum quit ab omni scélere.

Jesu, quem velátum nunc aspício, oro fiat illud quod tam sítio, ut, te reveláta cernens fácie, visu sim beátus tuæ glóriæ. Amen.

Oratio ad Deum Filium.

Anima Christi, sanctifica me. Corpus Christi, salva me. Sanguis Christi, inébria me. Aqua láteris Chsisti, lava me. Pássio Christi, confórta me. O bone Jesu! exaudi me. Intra tua vulnera, abscondé me. Ne permittas me separári a te. Ab hoste ma-

ligno defende me. In hora mortis meæ voca me. Et jube me venire ad te, ut cum Sanctis tuis laudem te in sæcula sæculorum. Amen.

Duæ Orationes ad B. V. Mariam.

Respice in me, gloriosissima Virgo Maria, quia dignum objectum oculorum tuorum nunc factus sum. Loquere pro me bona dilectissimo Filio tuo, qui me Corpore et Sanguine suo suavissime refecit, et offer ei merita tua in supplementum imperfectionis meæ. Gratas age ei pro me, et impetra mihi ut sacramentali sua præsentia non discedat a me, nisi relinquat post se animæ meæ et corpori meo largissimam benedictionem. Amen.

O domina mea, o Mater mea, tibi me totum offero, atque ut me tibi probem devotum, consecro tibi hodie oculos meos, aures meas, os meum, cor meum, plane me totum. Quoniam itaque tuus sum, o bona Mater, serva me, defende me, ut rem ac possessionem tuam.

Oratio ad S. Josephum.

Virginum custos et pater, sancte Joseph, cujus fideli custodiæ ipsa innocentia Christus Jesus et Virgo virginum Maria commissa fuit; te, per hoc utrumque charissimum pignus Jesum et Mariam, obsecro et obtes-

tor ut me, ab omni immunditia præservatum, mente incontaminata, puro corde et casto corpore. Jesu et Mariæ semper faciat castissime famulari. Amen.

Oratio ad omnes Sanctos.

Omnes Angeli, omnes Sancti et Sanctæ Dei, consolatio pauperulæ animæ meæ, et vos præsertim, Patroni et Protectores mei, impetrate mihi gratiam non peccandi de cætero, simul et sancte vivendi, ut tandem plenus meritis vestro consortio aggregari merear. Amen.

Si Missa celebrata sit de Sancto, Oratio ad illum.

Sancte N., in cujus honorem incruentum Corporis et Sanguinis Christi sacrificium obtuli, fac tua potenti apud Deum intercessione ut, usu hujus mysterii, passionis et mortis ejusdem Christi Salvatoris nostri merita consequar, ac cum illius frequentatione continuo crescat meæ salutis effectus. Amen.

Mutetur genus vel numerus, si Missa celebrata sit de Sancta vel de Sanctis.

Oratio universalis Clementis XI.

Credo, Domine, sed credam firmitus.
Spero, Domine sed sperem securius.
Amo, Domine, sed amem ardentius.

Doleo Domine, sed doleam vehementius.

Adoro te ut primum principium, desidero ut finem ultimum; laudo ut benefactorem perpetuum; invoco ut defensorem propitium.

Tua me sapientia dirige, justitia contine, clementia solere, potentia protege.

Offero tibi, Deus, cogitanda, ut sint ad te; dicenda, ut sint de te; facienda, ut sint secundum te; ferenda, ut sint propter te.

Volo quidquid vis; volo, quia vis; volo, quomodo vis; volo, quamdiu vis.

Oro, Domine, ut intellectum illumines; voluntatem inflammes; corpus emundes; animum sanctifices.

A superbia non inficiar; adulatione non afficiar, a mundo non decipiar; a Satana non circumyeniar.

Gratiam præsta memoriam purgandi, linguam frenandi, oculos cohibendi, sensus coercendi.

Defleam præteritas iniquitates; repellam futuras tentationes; corrigam vitiosas propensiones: excolam idoneas virtutes.

Tribue mihi, bone Deus, amorem tui, odium mei, zelum proximi, contemptum mundi.

Studeam superioribus obedire, inferioribus subvenire, amicis consulere, nemini invidere.

Meminerim, o Jesu, mandati tui et exem-

pli, inimicos diligendo, injurias sufferendo, persequentibus benefaciendo, pro calumniantibus orando.

Vincam voluptatem austeritate, avaritiam largitate, iracundiam lenitate, tepeditatem pietate.

Redde me prudentem in consiliis, constantem in periculis, patientem in adversis, humilem in prosperis.

Fac, Domine, ut sim in oratione attentus, in epulis sobrius, in munere sedulus, in proposito firmus.

Curem habere sanctitatem interiorem, modestiam exteriorem, conversationem exemplarem, vitam regularem.

Naturæ invigilem domandæ, gratiæ fovendæ, legi servandæ, saluti promerendæ.

Sanctimoniam assequar sincera peccatorum confessione, fervida Corporis Christi communione, continua mentis recollectione, pura cordis intentione.

Discam a te, Deus, quam tenue, quod terrenum; quam grande, quod divinum; quam breve, quod temporaneum; quam durabile, quod æternum.

Da, mortem præveniam, judicium peritiam, infernum effugiam, paradysum obtineam. Per Christum Dominum nostrum. Amen.

Oratio ad obtinendam bonam mortem.

O Maria sine labe concepta, ora pro no-

bis qui confuginus ad te; o refugium peccatorum, Mater agonizantium, noli nos derelinquere in hora exitus nostri, sed impetra nobis dolorem perfectum, sinceram contritionem, remissionem peccatorum nostrorum, Sanctissimi Viatici dignam receptionem, Extremæ Unctionis sacramenti corroborationem, quatenus securi præsentari valeamus ante thronum justis, sed et misericordis Judicis, D ei et Redemptoris nostri. Amen.

ITINERARIUM CLERICORUM.

Clericus in ipso itineris ingressu, si solus fuerit, dicat quæ seq. in singulari; si cum sociis, in plur.

Ant. In viam pacis.

Cantic. Benedictus Dominus Deus Israël, p. 57.

In fine Gloria Patri. Postea dicat. Ant. In viam pacis et prosperitatis dirigat nos omnipotens et misericors Dominus: et Angelus Raphaël comitetur nobiscum in via, ut cum pace, salute, et gaudio revertamur ad propria. Kyrie eleison. Christe eleison. Kyrie eleison. Pater noster, *secretó.* ŷ. Et ne nos in lucas in tentationem. R̄. Sed libera nos a malo. ŷ. Salvos fac servos tuos. R̄. Deus meus, sperantes in te. ŷ. Mitte nobis, Domine, auxilium de sancto. R̄. Et

de Sion tuere nos. *ŷ.* Esto nobis, Domine, turris fortitudinis. *Ŕ.* A facie inimici. *ŷ.* Nihil proficiat inimicus in nobis. *Ŕ.* Et filius iniquitatis non apponat nocere nobis. *ŷ.* Benedictus Dominus die quotidie. *Ŕ.* Prosperum iter faciat nobis Deus salutarium nostrorum. *ŷ.* Vias tuas, Domine, demonstra nobis. *Ŕ.* Et semitas tuas edoce nos. *ŷ.* Utinam dirigantur viæ nostræ. *Ŕ.* Ad custodiendas justificationes tuas. *ŷ.* Erunt prava in directa. *Ŕ.* Et aspera in vias planas. *ŷ.* Angelis suis Deus mandavit de te. *Ŕ.* Ut custodiant te in omnibus viis tuis. *ŷ.* Domine, exaudi orationem meam. *Ŕ.* Et clamor meus ad te veniat. *ŷ.* Dominus vobiscum. *Ŕ.* Et cum spiritu tuo.

Oremus. *Oratio.*

Deus, qui filios Israël per maris medium sicco vestigio ire fecisti, quique tribus Magis iter ad te stella duce pandisti: tribue nobis, quæsumus, iter prosperum, tempusque tranquillum: ut, Angelo tuo sancto comite, ad eum quo pergimus locum, ac demum ad æternæ salutis portum pervenire feliciter valeamus.

Deus, qui Abraham puerum tuum de Ur Chaldæorum eductum, per omnes sæpereginationis vias illæsum custodisti: quæsumus; ut nos famulos tuos custodire digneris: esto nobis, Domine, in procinctu

suffragium, in via solatium, in æstu umbraculum, in pluvia et frigore tegumentum, in lassitudine vehiculum, in adversitate præsidium, in lubrico baculus, in naufragio portus: ut, te duce, quò tendimus, prosperè perveniamus, et demum incolumes ad propria redeamus.

Adesto, quæsumus, Domine, supplicationibus nostris, et viam famulorum tuorum in salutis tuæ prosperitate dispone: ut inter omnes viæ et vitæ hujus varietates, tuo semper protegatur auxilio.

Præsta, quæsumus, omnipotens Deus, ut familia tua per viam salutis incedat, et beati Joannis Præcursoris hortamenta secundo, ad eum quem prædixit, secunda perveniat, Dominum nostrum Jesum Christum Filium tuum: Qui tecum vivit et regnat in unitate, etc.

ŷ. Procedamus in pace. *Ŕ.* In nomine Domini. Amen.

Dom P. Joann. XXII. concessit omnibus Christi fidelibus per cæmeterium transeuntibus et sequentem orationem dicentibus, tot dies indulgentiæ, quot corpora in eo sepulta fuerint.

Avete, omnes animæ Christi fideles, quarum corpora hic et ubique requiescunt: det vobis requiem qui est requies vera,

Jesus Christus Filius Dei vivi, qui natus est de immaculata virgine Maria pro nostra omniumque salute, qui vos et nos redemit suo precioso sanguine; benedicat vos et a pœnis vos liberet, atque angelorum choris vos saciet, faciatque vos resurgere in die resurrectionis, et secum sine fine gaudere, ibique nostri memores suppliciter exorare dignemini Dominum nostrum Jesum Christum, ut vobis sociemur et in cœlis vobiscum coronemur. R̄. Amen.

Kyrie eleison. Christe eleison. Kyrie eleison. Pater noster, etc.

ŷ. Gaudentes animæ gaudent sine fine dicentes.

R̄. Jesu pie, dona nobis requiem sempiternam.

Oremus.

Respice, quæsumus, Domine Jesu Christe, animas omnium fidelium defunctorum christianorum, pro quibus salvandis, nudis et expansis sanctis manibus tuis in cruce pependisti, et amaram mortem subire voluisti: qui cum eodem Deo Patre et Spiritu Sancto vivis et regnas in sæcula sæculorum. R̄. Amen.

QUATUOR SANCTI EVANGELIA

QUÆ RECITANTUR SUPER INFIRMOS.

Aspergatur infirmum, dicens:

Añna. Asperges me, Domine, hyssopo, et mundabor: lavabis me, et super nivem dealbabor.

ŷ. Dominus vobiscum. R̄. Et cum spiritu tuo.

✠ *Sequentia sancti Evangelii secundum Matheum.* R̄. Gloria tibi, Domine.

In illo tempore: Cum introisset Jesus Capharnaum, accessit ad eum Centurio, rogans eum, et dicens: Domine, puer meus jacet in domo paralyticus, et male torquetur. Et ait illi Jesus: Ego veniam, et curabo eum. Et respondens Centurio, ait: Domine, non sum dignus, ut intres sub tectum meum; sed tantum dic verbo, et sanabitur puer meus. Nam et ego homo sum sub potestate constitutus, habens sub me milites, et dico huic: vade, et vadit; et alii: veni, et venit; et servo meo: fac hoc, et facit. Audiens autem Jesus, miratus est, et sequentibus se dixit: Amen dico vobis, non inveni tantam fidem in Israël. Deo autem vobis, quod multi ab Oriente et Occidente venient, et recumbent cum Abraham, et Isaac, et Jacob in regno cœlorum:

fili autem regni ejicientur in tenebras exteriores: ibi erit fletus, et stridor dentium. Et dixit Jesus Centurioni: Vade, et sicut credidisti fiat tibi. Et sanatus est puer in illa hora.

Oremus.

Omnipotens sempiterne Deus, salus æterna credentium, exaudi nos pro infirmo famulo tuo (*vel* infirma famula tua) N., pro quo (*vel* qua) misericordiæ tuæ imploramus auxilium; ut reddita sibi sanitate, gratiarum tibi in Ecclesia tua referat actiones. Per Christum Dominum nostrum. R̄. Amen.

Ÿ. Dominus vobiscum. R̄. Et cum spiritu tuo.

✠ Sequentia sancti, Evangelii secundum Marcum. R̄. Gloria tibi, Domine.

In illo tempore: Recumbentibus undecim discipulis, apparuit illis Jesus: et exprobravit incredulitatem eorum et duritiam cordis; quia iis, qui viderant eum resurrexisse, non erediderunt. Et dixit eis: Euntes in mundum universum, prædicate Evangelium omni creaturæ. Qui crediderit, et baptizatus fuerit, salvus erit qui vero non crediderit, condemnabitur. Signa autem eos, qui crediderint, hæc sequentur: In nomine meo dæmonia ejicient: linguis loquentur novis: serpentes tollent, et si mortiferum quid biberint, non eis nocebit: super ægros manus imponent, et bene habebunt.

Oremus.

Virtutum cœlestium Deus, qui ab humanis corporibus omnem languorem et omnem infirmitatem præcepti tui potestate depellis: adesto propitius huic famulo tuo (*vel* famulæ tuæ) N.; ut fugatis infirmitatibus, et viribus receptis, nomem sanctum tuum, instaurata protinus sanitate, benedicat. Per Christum.

Ÿ. Dominus vobiscum. R̄. Et cum spiritu tuo.

✠ Sequentia sancti Evangelii secundum Lucam. R̄. Gloria tibi, Domine.

In illo tempore: Surgens Jesus de Synagoga, introivit in domum Simonis, Socrus autem Simonis tenebatur magnis febribus: et rogaverunt illum pro ea. Et stans super illam, imperavit febri: et dimisit illam. Et continuo surgens, ministrabat illis. Cum autem sol occidisset, omnes, qui habebant infirmos variis languoribus, ducebant illos ad eum. At ille, singulis manus imponens, curabat eos.

Oremus.

Domine sancte, Pater omnipotens, æterne Deus: qui fragilitatem humanæ conditionis infusa virtutis tuæ dignatione confirmas, ut salutaribus remediis pietatis tuæ corpora nostra et mentes vegetentur: super hunc famulum tuum (*vel* hanc famu-

lam tuam) propitius intende; ut omni necessitate corporeæ infirmitatis exclusa, gratia in eo pristinae sanitatis perfecte reparatur. Per Christum...

Ÿ. Dominus vobiscum. R̄. Et cum spiritu tuo.

✠ Initium sancti Evangelii secundum Joannem. R̄. Gloria tibi, Domine.

In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt: et sine ipso factum est nihil, quod factum est. In ipso vita erat lux hominum: et lux in tenebris lucet; et tenebræ eam non comprehenderunt. Fuit homo missus a Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, et mundus per ipsum factus est, et mundus eum non cognovit. In propria venit, et sui eum non receperunt. Quotquot autem receperunt eum, dedit eis potestatem filios Dei fieri, his qui credunt in nomine ejus: qui non ex sanguinibus, neque ex voluntate carnis, neque ex voluntate viri, sed ex Deo nati sunt. ET VERBUM CARO FACTUM EST, et habitavit in nobis: et vidi-

mus gloriam ejus, gloriam quasi Unigeniti a Patre, plenum gratiæ et veritatis.

Oremus.

Respice, Domine, famulum tuum (vel famulam tuam) in infirmitate sui corporis laborantem, et animam refove, quam creasti: ut castigationibus emendatus (vel emendata), continuo se sentiat tua medicina salvatam). Per Christum Dominum..

Oremus.

Omnipotens sempiterne Deus, infirmitatem famuli tui (vel famulæ tuæ) propitius respice, atque ad protegendum eum (vel eam) dexteram tuæ majestatis extende. Per Christum...

Finita oratione, Sacerdos imponat dexteram manus super caput infirmi, dicens:

Super ægros manus imponent, et bene habebunt. Jesus Mariæ Filius, mundi salus et Dominus, meritis et intercessione sanctorum Apostolorum tuorum Petri et Pauli et omnium Sanctorum, sit tibi clemens et propitius. Amen.

Et dat benedictionem infirmo, dicens:

Benedictio Dei omnipotens, Patris et Filii, ✠ et Spiritus sancti, descendat super te, et maneat semper. Amen.

Aspergatur aqua benedicta.

INDEX.

	Pag.
<i>Ordo baptismi parvulorum.</i>	3
<i>Ordo supplendi omissa super baptis-</i> <i>zatum.</i>	13
<i>Ministratio S. Eucharisticæ infirmis.</i>	16
<i>Ministratio S. Extremæ Unctionis.</i>	20
<i>Benedictio approbata à SS. D. N. Be-</i> <i>nedicto XIV.</i>	27
<i>Ordo Commendat. animæ.</i>	30
<i>Ordo exequiarum.</i>	42
<i>Ritus celebrandi matrimonium.</i>	59
<i>Benedictio mulieris post partum.</i>	62
<i>Benedictio salis et aquæ.</i>	65
<i>Litanicæ Sanctorum.</i>	68
<i>Formula applicandi Indulg. appost.</i>	80
<i>Preparatio ad Missam.</i>	81
<i>Actiones gratiarum post Missam.</i>	94
<i>Itinerarium clericorum.</i>	103
<i>Quatuor Evangelia super infirmis.</i>	107





